




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.82






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.82




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.82



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.82

1.6.82

PAGANI
PAGANINII
LICIANENSIS
DIVERSI GENERIS
SCRIPTA.



FLORENTIAE
Apud GEORGIVM Marescotum.
M D L X V.

LIBRARY
OF THE
FLORENTINE



FLORENTINE
LIBRARY
OF THE

3
ILLUSTRISSIMO FRANCISCO
MEDICIO MAXIMO FLORENTINO.
RVM PRINCIPI.



Paganus Paganinius Licianensis.
S. P. D.



AMPRIDEM
est, cum in animo
habeo; non pauca
mea, et iuncta et
soluta oratione con-
scripta; quæ non
possum diutius de-
bere et literarum:
& probitatis qui-
busdam amantif-
simis, omninò pro-
ferre, tuoq; clarif-

simo nomini: penè dixi numini dedicare; quemadmodum
tu ipse testis es optimus, qui cum superiori anno hac de re
non semel verba feci. Sed cum id non paterentur, aut certè
tanquã obices quidam, hæ causæ, quas nihil est necesse tibi
cognitas ut exponam; ne fieret in præsentia, retardarent;

A ii

rem totam eò differebam, donec illud mihi & commodius :
 & melius aliquandò liceret posse conficere, ut omnium ma-
 ximè optabam. Verùm cum PISIS nuperrimè FLO-
 RENTIAM venissem, ut tecum iterum colloquerer; ad
 quem rem: & causam meam optimus: & maximus tuus
 pater reiecit; fortè librariam tabernam BARTHOLO-
 MAEI SERMARTELLI sum ingressus. atque ibi
 incidi; cum sumpsissem in manus quædam opuscula, in par-
 tem eorum versuum typis calcographis impressam; quos pro-
 ximo vere feci in morte MICHAELIS ANGELI BO-
 NAROTI. ægerrimè sanè tuli id venisse in mentem alicui
 ut faceret, hac re quæ ad me præcipuè attinebat, nihil omni-
 nò mecum aut coram: aut literis communicata. Quare cum
 mihi non esse integrum iudicarem, quæ mea vellem: & quo
 tempore in lucem edendi; nec deessent quamplurimi, qui aue-
 rent omnes eos versus: quos antea hac de materia: & argu-
 mento conscripseram, in vnum quasi corpus redactos habe-
 re: curavi eos hoc modo imprimi; & foras ab hominibus
 qui vellent, legendos exire; & hoc pacto experiri, quid di-
 cerent: & iudicarent nonnulli huiuscemodi de meis scriptis.
 Addidi autem & quædam alia, quæ spero: opto certè non
 penitus improbatum iri, si nulla alia causa; rerum saltem
 non iniucunda, quantum arbitror; varietate, qua vna præ-
 cipuè animi Mortalium maximè delectantur. quæ omnia
 domi vestræ, hoc est, vestris in urbibus: & superiori vestra
 Academia PISANA superioribus annis nata: ut quā-
 plurima alia, postquam sui receptus in vestram fidem: &
 clientelam, nunc tibi iure optimo nuncupo, tradoq₃, si opus

fuerit ; & volueris, defendenda vel ob id ipsum, quod ea vestra : aequè ac mea : aut potius, quod ea vestra magis : quàm mea esse existimo, cum ea scripserim in ocio quod vos mihi antea fecistis ; in quo nihil mihi fuit antiquius, quàm, ut potui ; vestra præclara facta literarum monumentis, & immortalitati cōsecrare. Si verò est quispiam, qui cogitet, hæc ; epistolas imprimis, esse à me hoc tempore, aut sanè non multò ante conscripta ; nã ille quisquis est, ita decipitur : ut qui maximè. quod si vnquam à certa persona mihi fuerit obiectum ; id defendam : & vincam plurimis : & grauissimis testibus ; te imprimis, & felicissimo tuo patre ; aliisq, quos hic nomino ; quibus iampridem hæc omnia ipse dedi ; aut misi. Non abuterer, falsò præsertim talium virorum omnium adhuc viuentium testimonio ; & autoritate : Quod si fortè dices sequentem meam ad te epistolam nec editam, nec à te acceptam, id non negabo. sed affirmabo, & sanctè iurabo, si iusseris ; iam illo tempore illam conscriptam ; quod in eadem est adscriptum. quod comprobabo voce, si opus erit ; non paucorum Iuuenum ; imprimis COSMI GRACINII, eo tempore Rectoris (ut appellant) vestræ Academiæ PISANAE quam superius nominavi ; quibus iam tum illam meminisse me legisse. sed quid immoror in huiusmodi rebus ? Hæc tu pro tempore pro ea, qua abundas humanitate ; non contemnes ; & expectabis plura tui à me cupidissimo ; si tuo vnquam auspicio : & auxilio potero proferre illud non paruum volumen, quod cum tibi : tum tuo præclarissimo patri interequitandum ostendi ; iamdiu (ut audio) optatum : ac expectatum, & magis fortassis optandum : ac expectan-

A iii

6

*dum in posterum ab illis, qui hac non improbabunt; si ta-
men aliqui erunt, qui id sint facturi; atq; etiam hoc nomine,
quod nunc hac in prima editione quibusdam de rebus facio
mentionem; quas apud me certo consilio volui esse in
præsenti. Vale. FLORENTIA*

NON. DECEMBRIS.

M D L X I I I I.



ILLVSTRISSIMO FRANCISCO
MEDICIO MAXIMO FLOREN.

TINORVM PRINCIPI.



Paganus Paganinius Licianensis.
S. P. D.



R O X I M O Sextili mense cum
essem vestra in Academia PISANA,
in qua ex liberalitate tui Patris vi-
ri amplissimi iam quinquennium
est cum honestissimè habito; exi-
stimans id tibi fore gratum, dedi
ad te vnas meas literas latinè con-
scriptas; cum quibusdam versibus,
qui à me tunc fuerant facti. quæ
omnia si vestri scribæ, quibus ea de

di, coniecere in fasciculos literarum; quæ hinc isthuc ad te mit-
tuntur, mihi persuadeo; opto certè fuisse ad te perlata. Eram
in præsentem idem facturus; id est, ad te scripturus; & missurus
quosdam Elegos: & Heroicos versus; quos in repentinis duo-
rum tuorum Fratrum: & Matris funeribus composui: quosq;
his superioribus diebus dedi & Patri tuo, & vnâ cum quibus-
dam aliis Blegis CLARISSIMO PAVLO IORDANI DI-
VINAÆ ISABELLAE tuæ sororis viro. atque dum paro vt
elegantiori cuiuspiam manu ii describantur; audio eorum
exemplum esse ptolatum; & iam in plurimorum manus per-
uenisse. sum igitur subueritus, ne; vt quorumdam est arrogan-
tia; aut avaritia: aut vtrumque, illos aliquis Typis calcogra-
phis curaret me inuito: aut certè incio excudendos; cum alia
Latina: & Tusca his de grauissimis casibus conscripta sic im-
pressa passim legantur. Id igitur ego præoccupau; & non pau-

cis commutatis & additis refrigerato amore inuentionis; cura ui, Idque contra meam consuetudinem; qui nihil adhuc edidi meorum scriptorum; ea carmina imprimenda; & præponenda quæ de HENRICO Valeſio Gallorum Rege; & de HERCVLE Ateſtio Ferrarienſium Duce eo tempore quo mortui ſunt, conſcripſi; vt id quod ſciunt Mortales memoria repeterent; illud eſt; huiusmodi procellam reliquos etiam magnos Reges: & Duces percellere. Et quorum altera iam tum miſi in Galliam ad MAXIMAM CATERINAM Reginam tuam gentilem. altera verò ego ipſe dedi PRAECLARAE LVCRETIAE Ateſtiæ cum eſſem tum FERRARIAE; cum tractarem quædam negotia non omnino nullius momenti cū illis magnis Principibus, quæadmodū tu meminiffe poteſ; qui me illo tempore vtrò verbis plenis amoris: & offitii coram commendasti ALPHONSO Ateſtio LVCRETIAE tuæ Sororis, quæ tum viuebat, marito. Et ne fortè aliquis exiſtimet me mihi falſa effingere, volui adſcribere duas epiſtolas; quarum alteram dedi, vt dixi; LVCRETIAE Ateſtiæ, alteram verò cum quibuſdam Endecaſyllabis LVDOVICO eius Fratri, qui poſtea fuit declaratus cardinalis. Ineptè autem ille faceret, qui in omnibus huiusmodi rebus requireret continenter temporum ſeriem, cum ipſe poſſit videre cauſam cur ſit in præſenti interrupta, aliàs fortæſſe ſeruanda cum plura edam. Quæ omnia nunc ad temitto mihi planè perſuadēs, hæc quoque tibi non futura ingrata; & ſi nonnulla illorum quæ ad te antea diuerſis temporibus aut miſi: aut dedi, fuerunt fortæſſis; ſed fuerunt certè, multò iucundiora. Ne autem in Elegia facta à me in morte LVCRETIAE tuæ ſororis; quam tu ſolus eo tempore habuiſti; & nemo alius poſtea; quamque his meis ſcriptis libuit addere, ſuſpenſum haberem lectorem illis duobus verſibus.

*Cum cecini quod erant ARNI ſuſpiria veni;
Illuſq; illa quod pluuia: lacrima;*


Vtque facilius cætera omnia quæ ſunt in eadem Elegia intelligerentur

9
gerentur; adiunxi reliquos ea de re conscriptos versus; quos
tibi tunc quoque cum essimus FERRARIAE, cum non-
nullis aliis meis carminibus tibi à me fuisse dedicatos. sed cum
præterieris epistolam sequentem, nō paucis tamen interiectis,
quam scribo ad tuum Patrem; iam te para ad hæc carmina le-
genda ea animi magnitudine, & fortitudine, qua hos tristeis
nuntios accepisti; quæque est tibi mira à natura attributa; &
quam optima educatio: & disciplina Paterna in te egregiè cō-
firmavit; & summo opere addauxit; quā tamen tētatam; & for-
san aliqua in parte offensam; quem enim hæc tanta mala non
aliquantum perturbent? & commoueant? vt reficerem, con-
sulatō subiunxi quosdam Elegos non de huiuscemodi tristibus
rebus à me factos; sed de latioribus; tuoque Patri: & tibi antea
firmè omneis oblatos; vt post gustatam quandam quasi ama-
ritudinem; hæc te quasi dulcedo quædam continuò, quod dixi
superius, recrearet. Tu serui valetudini, in qua sunt omnia tibi
posita; iamque ad nos in Italiam cogita. tuus enim aduentus
quoquo tempore antea nobis omnibus erat futurus iucundis-
simus; nunc verò erit iucundior, quo magis necessarius esse
videtur, vt & tuos consanguineos; & tuos populos consoles;
idque præsens. Interea vt rumore nuntio ad nos perfertur; scri-
buntque omnes qui tecum isthuc nauigarūt, à te maximè om-
nium fieri, apud istum Maximum: & optimū Regum Regem
sustine: aut potius vince optimam opinionem; quam de te
adhuc puero omnes imbiberunt; & quam deinde cum dicen-
do, tum faciendo te omnia digna; idest, præclara; & egregia.
continenter meliorem concitasti. Ex vestra Acade-

mia Pisana Nonis Ianuariis.


M D L X I I I.

B



COSMO MEDICIO MAXI-
MO FLORENTINORVM: ET
SENENSIVM DVCI.

Paganus Paganinius Licianensis.
S. P. D.



OSTEAQVAM me opti-
me, & maxime PRINCEPS
in tuā fidem: & clientelam
recepisti; nihil sanè quod
fuerit insigne; quodque ego
sciuerim tuis in rebus aut
pacis: aut belli tempore læ-
tum: aut alio nomine appel-
landum tibi accidit; de quo aut oratorio: aut poë-
tico stilo non aliquid scripserim. quod ita esse tu-
te ipse scis; quippè qui optimè potes meminisse
multa à me variis temporibus istis de tuis rebus
scripta, tibi fuisse à me eodem oblata. quæ semper
& humanissimè accepisti, & dedisti non obscura
signa tibi non omninò fuisse ingrata; cum ipse nō
semel mihi affirmasti, quæ tua est mira humani-
tas, te omnia illa semper legisse; & semper amauis-
se hanc animi mei in te peramicam, vt es solitus
nominare, propensionem; cum igitur in præsentī
permaneam in hoc meo instituto; inque immatu-

ro: & recenti duorum tuorum Filiorum: & Vxo-
 ris obitu, quæ omnia euenire paruo admodum
 interiecto tempore, fecerim quosdam Elegos: &
 Heroicos versus, eos his Natalibus descripsi; quos
 tibi nunc offero; quosque opto esse sempiternos
 testes & meæ in te obseruantia: & maximi dolo-
 ris, quem ex tantorum Adolescentum iactura, &
 tam lectæ feminæ: aut potius quasi Deæ cuiusdam
 ceperim. volo enim existimes cum à vobis eorum
 consanguineis discessero; me nulli concedere qui
 ex huiuscemodi rebus maiorem senserit mole-
 stiam: & dolorem. quod & si nihil ad te tanta fe-
 licitate: & amplitudine virum attinet, tamen ita
 esse tibi velim persuadeas; quod quidem te tibi
 persuadere puto. qui iampridem noueris, quam
 continenter antea fuerim tui præclari nominis: &
 tuæ summæ existimationis cupidissimus; vt sum
 etiamnum. & semper ero; qui te mihi perpetuò
 dum viuam ob præclaras tuas virtutes proposue-
 rim amandum; aut potius quasi quoddam numen
 venerandum, & colendum. Nihil verò sum veri-
 tus his meis versibus tibi mœrorem renouare,
 cum his grauissimis plagis acceptis nemo sit, qui
 te viderit animo esse commutato: aut certè vultu,
 qui illius est index optimus; vt planè omnibus fi-
 dem feceris. & tua quoque ab aduersa, vt videtur
 Fortuna, posse contingi: & pertentari; te verò to-
 tum ex te pendere; & magno: & forti animo ea

perferre, quæ cum sit nefas corrigere, nisi sapientia: & ista tua in omnibus rebus perpetua constantia, nullo alio modo possumus nobis reddere leuiora. quod non omnium est virorum: aut Principum, aut certè est perpaucorum; aut potius tui vnus omnium mortalium nostri temporis sapientissimi. Sed iam vale: & vince fortiter: & prudenter ista tristitia, vt quidem facis, in quibus non debemus Fortunam communem recusare; aut præcipuam aliquam postulare; vt quidem illam non recusas, nec hanc postulas. Iterum vale.

Ex tua Academia Pisana iiii.

Calend. Ianuarias.

1 5 6 3.



13

AD ILLVSTRISSIMVM
PAVLVM IORDANEM
VRSINIVM.



TEmpore quæ tristi do tristia carmina summè
Iampridem addictus Maxime PAVLE tibi;
Sint licet ingentis luctus solatia parua,
Incendant vel quem talia scripta magis,
Pro virtute tua tamen hæc ne despice; ne ue
Esse nouem AONIDVM vilia dona puta.
Sic pueris, quibus hæc tempestas dira pepercit;
Quæ Lydi immerisit lumina trina soli,
Sic Iuene egregio, quem HISPANIA suspicit omnis;
Et tanto quem Rex tantus honore fouet,
Exoptatq; sibi quem summè HETRVRIA reddi;
Spem tanti generis: subsidiumq; domus,
Ipse tuis rebus florens, sic coniuge casta;
Diuino socero sicq; fruare diu.
His quorum Nati regnent regionibus, olim
Dum citimo errabit menstrua Luna Polo.
Si verò tecum coniux pulcherrima, nostra
Hæc leget, ostendens grata fuisse sibi;
Horum me letum: fortunatumq; laborum
Dicam; & res magnas vos retulisse mihi.
Magni etenim facio: & defendo mordicus esse
Clarum, Principibus nostra placere viris.

B iii

ILLUSTRISSIMO LUDOVICO
ATESTIO.Paganus Paganinius Licianensis.
S. P. D.

VM IIII Nonas Septembres Venissem
FERRARIAM Varias ob causas, sed
præcipuè ob illam, ut negotium quoddam ad
finem perducerem; quod non omnino nullius
ponderis tractabam cum clarissimo tuo Pa-
tre; & cuius causa quater huc superiori an-
no veneram ab illo accitus. contigit, ut cum
paro discessum, quem eodem tuo Patre volen-
te distuleram; cum aliquot ante diebus pe-
nè illa expediissem, quorum causa potissi-
mum huc accesseram, ille in morbum admo-

dum leuem inciderit, ut tunc rumor est disseminatus; sed quod tamen postea
præter omnium opinionem est interemptus. Hic obitum tui Patris non de-
plorabo; sed tamen illud non possum non dicere; & quidem Verè, neminem
esse secundum vos eius consanguineos, qui illius interitu æquè ac ego fuerit per-
turbatus. causas omitto; ne illarum commemoratione fortasse videar tibi ine-
ptus; mihiq; acerbissimum renouem luctum; quem cepi ex morte illius optimi:
& Maximi Principis; meq; sumopere amantis. quod tamen antea feci; & fa-
ciam postea alio tempore, si respirabo ab us, quæ me nunc angunt curis; & ma-
ius omnino dabitur otium scribendi; quod quidem non desiderarem in præsentia,
si ille diuinus sanè vir viueret. Sed hæc omitto. cum igitur in eius funere fe-
cissem quosdam versus impares; & quidem medio in dolore, quorum, exem-
plum cum epistola iam tui dedi illustrissima LVCRETIAE Sorori
tuæ; & cum etiamnum nescio quo meo fato hic cōmorer; libuit eos describere:
& tibi offerre; ut cognoscas hoc nomine quantum illum vel mortuum uene-
rer; qui uiuus mihi fuit quasi DEVS aliquis. Teq; quantum obseruem; &
colam. quem cum intueor, mirificè recreor profecto. nam mihi tunc videor vi-
dere illius per beati viri ueram animi; & corporis imaginem; quo nihil oculis:
atq; adeò animo meo gratius potest offerri. Eos igitur isto tuo lato vultu acci-
pies; & animo gaudenti. & à me breui latiora; & longiora expectabis; quæ
nunc ego his meis temporibus difficillimis, ut possum; perpolio; & quæ absolu-
ta fortasse tibi nuncupabo; si hæc non fuisse ingrata cognoero; quæ tibi futura

15
gratissima pro tua singulari humanitate mihi planè persuado. Sed cum has
ad te meas literas describerem mihi uenit in mentem, me: antequā Pater tuus
à Vita discederet, de morte HENRICI VALESII Maximi Gal
lorum Regis: & Sobrini tui fecisse quadam epigrammata; quare iudicavi me
fortasse non ineptè facturum; si illa describerem: & ad te mitterem. Ad
didi quoq̃, quosdam Endecasyllabos: quos heri de te feci. Et Epitaphium de CA
ROLO QUINTO CAESARAE Augusto: quod ea qua de
Gallorum Rege composui, consequentur. Vltimo Verò loco apponentur, qua de
Patre tuo à me sunt scripta; qua sola quidem certè cum initio sumpsi in ma
num calamus, constitueraui ad te uelle mittere. Sed tandem vale candidis
sime: ac felicissime. Adolescens. FERRARIAE Idibus Aprilis.
M D L X.

AD EUNDEM.

Tandem GALLIA reddidit cupitum
Te tuis luuenis beate. tandem
Expectatus ades. Parens: Sorores:
Dux Frater: Patruiq̃; ceteriq̃;
Omnes qui generis tui vetusti;
Et totus populus: Patresq̃ saluum
Te tibi rediisse gratulantur
Ad summum; sibi & vsque: & vsque gaudens.
Nam gratum omnibus: omnibusq̃ charum
Te virtus tua, liberalitasq̃;
Una præcipuè; suauitasq̃;
Naturæ facit. optimiq̃ mores.
Hinc me nomine commouente tali,
Te multum colo; meq̃ spontè totum
Addixi tibi; & vsq̃ dedicavi;
Hoc licet nihil: aut parum videtur
Ad te maxime pertinere Princeps.

Et ni foriè vocas me ineptiorem,
 Qui nunc talia te velim docere,
 Meis Endecasyllabis ineptis;
 Hæc ne despice, quæ mea admonere
 Hæc observantia; amorq; cogit in te.
 Hanc insiste viam, facis quod vnum;
 Veri honoris; & illa persequendo,
 Liberaliter educatus olim
 Quæ tu vsq; à puero imbibisti honesta;
 Et te digna quidem: Parente dignum:
 Cuius ora refers: refersq; mentem,
 Dignum sanguine Patris: atq; Matris
 Te præsta; solida illa laus, & illa
 Vera est. nam patre nos oriri ab illo,
 Pulchro corpore qui sit; atq; cuius
 Virtus plurima sit probata passim;
 Quali dicere te potes creatum;
 Et claro genere, vnde natus es tu,
 Totum quicquid id est, videtur esse
 Fortunæ. vnde parum redundat ad nos
 Veri nominis, atq; sempiterni.
 Nos autem facere illa; quæ videmus
 In te Laudibus efferenda magnis
 Iam nunc; quæq; futura nos tenemus
 Suo tempore clariora multò;
 Hoc virtutis opus, celebre dantis
 Nobis nomen: & inferentis alta
 Nos ad astra poli; DEVM QVE sedes.

Hos

*Hos cum frigida mors resoluit artus.
 Quod pluris faciendum : & æstimandum,
 Quàm tali genitum esse Paire ; & alto
 Se se sanguine gloriari veròq̃ ;
 Sit quicquam licet hoc ; & expetendum.*

AD INVICTISSIMVM PHILIP-
 pum Hispaniarum Regem tumulus
 CAROLI V. Cæs. Aug.
 eius patris.

CAROLVS vt Quintus Cæsar successit olympo,
 Est his quæ sedes pulchra parata viris ;
 Ac tantum lethum rumor vulgauit in orbe,
 Imperium fleuit ; Relligioq̃ simul
 Atq̃ hæc , atque illud dixerunt . triste paratum
 Seruitium est nobis ; perpetuumque iugum.
 Hoc etenim Herœ in cælestia recta relato,
 Est qui habitus belli gloria : pacis honos ;
 Spumeus vt fluuius per agros,perque æquora lata
 Disruptis muris : aggeribusque furit.
 Sic Turca Europa, quæ vires perdita vertis
 In sua iam pridem viscera ; & exitium ;
 Insultat ; vectans gentes terræque : marique,
 Quàm folia autumnî frigore multa cadunt.
 Sed DEVS in melius conuertit talia. lamque
 Conspirant Reges : Pontificesque Pii.
 Iam, quod versabat Cæsar sub corde ; trophæa
 Illi hoste è diro victo Oriente ferunt.

C

*Quam tibi præcipuè laudem Rex magne PHILIPPE
 DII nostri seruant, ac PIE Quarte tibi.
 Sic, cecidit penitus quæ quondam; nostra resurgit
 Omnis Maiestas; noster & omnis honos.
 Ex illo afflictis melius confidere rebus
 Visum est Imperium; visâque Religio.*

Ad eundem.

De IOVE, PLVTVONE; CAROLO: & DOREA.

*Iuppiter alta regit, Pluton tenet infera; Caesar
 Per terras regnat; Dorea curat aquas.*

Ad Maximam CATERINAM Mediciam Regi
 nam in funere HENRICI Valesii po-
 tentissimi Gallorum Regis
 eius mariti.

*C*oniugis extincti casu qui maximus armis,
 Quique habitus nostro est tempore pacis honos;
 Ah te ne turba tantum Regina; dolorem
 Ne laxa; & quæ sis nunc meminisse velis.
 Fatorum id prohibent concordēs Numine Parcæ;
 Quæ te hoc signarunt nominum honore trium.
 Quod Nurus: & Coniux Gallorum Maxima Regum;
 Et Mater fixo tempore viua fores.
 Illa dies venit. nunc Fatis cede. tulisti
 Et qua læta olim, tristia mente feras.

*Sic Nurus : & Coniux Gallorum digna vocari
Regum, & praesenti tempore Mater eris.
Quod virtutis opus rarum ; quod clarius ; & quod,
Aspiras quò tu, te super astra leuet.
Nanque sibi possunt virtutem fingere : contra
Non homines possunt fingere fata sibi.*

In eodem.

*DVM fictum celebrat bellum, dum cursibus ; & dum
Hastis, qui mos est, GALLIA ludit ouans ;
Spectatumque illuc variis de partibus orbis.
Non hominum numerus conuenit exiguus ;
Rex ipse ob pacem : & nuper connubia iuncta,
Ad pugnam vnum equitem prouocat vnus eques.
Dum pugnant, medio in campo Rex sternitur ; illi
Et fracta ad summum verberat hasta caput.
Atque breui è vita decedit ; vulnus adactum
Nullius medicae sensit vt artis opem.
I nunc : & Reges subiectos casibus, atque
Hos etiam circum stare pericla nega.
Nam quem tempestas belli non obruit ; illum
Tranquilla pacis tempora surripiunt.
O nos : o miseros Mortales . sapè quod vnum
Optamus, nobis exitio esse solet.*

In eodem.

*HAS lacrimasque : comasque libens o Maxime coniux
Accipe, quas lacrimas fundo, metòque comas.*

C ii

*Haec lacrimaeque : comesque mei sint pignus amoris
 In te perpetui ; & perpetuae fidei.
 O si iussa DEI permittant rumpere vitam ;
 Ad latos sequerer te comes Elysios.
 Id quando nequeo, fuero dum inuita superstes ;
 Te desiderio prosequar, & lacrimis.
 Sic Regina dolens ingentibus ora rigabat
 Fleatibus ; auelli nec poterat feretro.
 Et vos Regina vester dolor angit. & iidem
 Qui nostra, affectus ; pectora vestra mouent.*

In eodem.

*Cum Rex HENRICVS iungit cum Rege PHILIPPO
 Foedera ; tunc Diuis victima nulla cadit.
 Hoc facto commota DEVM sunt corda ; tulitque
 Id reliquis Maiores acrius armipotens.
 Qui seuis semper letatur cadibus ; & qui
 Humano generi plurima damna facit.
 Et dixit versans iras sub pectore, poenas
 Tu ve HENRICE mihi, Tu ve PHILIPPE dabis.
 Sicque petens terras arrepto tempore, belli
 De more HENRICVS dum simulacra ciet ;
 Ora equitis : vocem : & vestes mentitus ; & arma ;
 Per ludum in Regem quique mouebat equum ;
 In Regem feriur princeps ; hastaque trabali
 In capite affixa Rex cadit exanimis.
 Hostia qui fuerit casus, vel victima ; caesa est
 Hostia magna nimis ; victima magna nimis.*

21

*Non etenim decuit pro pace, & fœdere factò;
Egregiam hunc tantum ponere Regem animam.
Anne animis etiam tantæ cœlestibus iræ?
An vitæ: & mortis stat sua cuique dies?*

Eiusdem tumulus.

*HENRICI hic fluidum corpus, qui sceptragerebas
Gallica. quo extincto GALLIA tota dolet.
Sancta anima vnde prius descendit, ad astra volavit;
Diffundit laudes fama per ora virum.
Sic vinci possunt crudelia Fata; sepultis
Sic vitam virtus reddere sola potest.*

Alius eiusdem.

D. O. M.

HENRICO Valesio Gallorum
Regi, qui tot; & tam clavis virtu-
tibus, quæ Regem belli: & pacis tem-
pore maximè decent, fuit ornatus;
vt maiestas Gallorum Regum per se
augustissima, hoc Rege fit facta mul-
tò augustior. Regina coniux, & Filii
Regii mœstissimi. M. H. PP.

C iii

Paganus Paganinus Licianensis. S. P. D.



QUARTVM hoc anno proximis Calendis Septembribus FERRARIAM veni; vbi postea sum cōmoratus continenter ob quædam negotia, quæ tractabam cum maximo: & Optimo tuo Patre. cuius obitum, qui mihi accidit, vt quamplurimis; immò; vt reliquis omnibus, qui eum cognoscebant, præter omnium opinionem: & contra voluntatem, ita mecum fleo: & lugeo, vt secundum vos eius consanguineos, nemini concedam, qui me magis doleat: & perturbetur; qui hoc nomine, vt par est à me fieri, profectò maximè doleā; & vehementer perturber. cum igitur, vt potui; in medio dolore in illius funere superioribus diebus dum plueret, fecissem quosdam Elegos, volui illos ad te mittere; quæ, vt audio, optimè scis latinè. Si autem hoc meo facto videbor tibi vel impudens, vel ineptus, vel magis vterque, qui ausus fuerim hoc qualecunque munus voluisse proferri; & tibi offerri, huic meæ vel impudentiæ vel ineptiis; vel magis vtrique rei ignoscas velim. nam malui vtriusuis, vel potius vtriusque rei crimine condemnari; quam illud ad te non dare; quam ob diuinas prope modum virtutes tuas summopere amo; & mecum obseruo; cum etiam hoc nomine id faciam, quia ex amplissimo illo viro es nata, quem veluti DEVM quendam; aut certè, quem maximè omnium mortalium venerabar; & qui; quæ erat illius mira suauitas morum, videbatur non vulgari amore me amare. cuius quidem sui in me amoris, iam non adumbrata, sed maximè expressa dederat signa; multò expressiora vltro creberrimè pollicitus se daturum; quod etiam, non multis ante diebus, cum in hunc lethalem morbum incidit, mihi renouauit;

si paulò diutius vixisset; atque res cuius causa potissimum huc
 veneram toties, ad finem fuisset perducta; ad quem propè
 erat perducta. Hæc si intellexero te non fuisse aspernatam, vt
 quidem te ista naturæ; & morum lenitate non aspernaturam
 mihi planè persuadeo, hac de re fortasse à me plura; & meliora
 in posterum accipies. Illa enim huiusmodi mecum iam nunc
 verso; confecturus, cum mihi erit maius otium, & ero animo
 tranquilliori. Interea scias me totius gentis ATESTIÆ cla-
 rissimæ cupidissimum esse, proque ea posse mori. cuius rei &
 CYNTHIVS GIRALDVVS: & FRANCISCVS BELLEN-
 CINVS: & IOANNES BAPTISTA Pigna si adesset, pos-
 sent tibi facere fidem. vale, & patientia leuiorem fac istum
 tuum dolorem, te pro tua sapientia: & singulari pietate, cum
 Illustrissima, & verè Regia, tua Matre ad DEI Immortalis vo-
 luntatem accomodando. Iterum vale. Ferrariæ vi. Id:
 Nouembres. M D L I X.

Ad eandem in funere ILLVSTRISSIMI
 HERCVLIS Atestii IIII Ferra-
 riensium DVCIS.

*Iurè doles pulchra extincto LVCRETIA Patre;
 Iurè tuum pectus cura perurit atrox.
 Magnus erat Pater; & tantum te filiam amabat;
 Quantum vllus potis est filiam amare pater.
 Sed qui tantarum rerum iam sumet habenas
 Optimus hæc frater cuncta leuare potest.
 Iam venit, ad patrias sedes iam curru; equisque
 Mutatis alpes iam superare parat.
 Cum veniet, rerum aspectus mutabitur omnis;
 Gaudia iam videor quanta videre mihi?*

*Cum miscere minus cum laetis tristitia possent,
 Sanxere hanc legem Numina magna DEVM,
 Gaudia tristitiam ut semper sectentur; itemque
 Semper sectetur gaudia mœstities.*

In eodem.

*Nunc quoq; Dux moritur tuus à FERRARIA, gestis:
 Nomineque Illustrem qui referebat Avum.
 Lethalem Ducibus: Reginis: Regibus annum.
 Quo pariter magni Pontifices pereunt.
 Hæc ne nouo eueniunt Diuorum Numine? rerum
 An fato aeterno firma catena manet?*

In eodem.

*HERCVLIS ob mortem nunc diri cornua tollunt
 Antei quidam: Geryonésque mali.
 Inclutus ALPHONSVS sed franget cornua vobis,
 Digna quidem Matris: digna propago Patris.
 Sic aquilas aquila consueta gignere fortes,
 Atque sui similes sic generare Leo.*

In eodem.

*Quid fles Eridane? Heros heu meus occidit; ille
 Hadriaci omne decus: præsidiumque soli.
 Cur sic arescis iampridem? pectore quod tunc
 Nati versabam Fata propinqua mei.*

Nunc

Nunc quoque deficiunt te *lymphæ*? talis adempti

Sum desiderio: sumque dolore viri.

Audio quos alios gemitus? *FERRARIA* lugens

Hac tua qui Genii plana beata tenent.

HERCVLIS anne etiam deplorant flumina mortem?

Est ne etiam extinctus cura: dolorque DEVM?

In eodem.

Quæ tabulata vides cum lecto, cumque columnis;

Omnia quæ diues serica tela tegit;

HERCVLIS ostentant corpus *Ferraria*; iustas

Qui nuper leges, qui tibi iura dabat.

Quique sedent Patres funestis vestibus, & quæ

Circum stant Matres plenæ oculos lacrimis;

Et quæ collucet circum funalia; quodque

Antiquum sceptrum pendet, & usque nitet;

Atque ensis fulua stellatus iaspide; cuncta

Denique quæ cernis; quæque videre potes;

Sunt Ducis in laudem posita, ac illius honorem,

Qui vestrum requies, paxque: salusque fuit.

Vos grati ciues illum laudate: supremis

His Patriæ donis vos decorate patrem.

Hoc omnes facitis, nam vestras audio voces

Tollentes vestrum celsa sub astra Ducem.

Sed vestri Herois pallentia credite tantum

Hoc in sublimi membra iacere thoro.

Namque anima ascendens cæli conuexa, recepta

Nunc quanto plausu: lætitiæque fuit?

D

O vim virtutis magnam . sibi ponit honores
Inter & illa Homines, inter & illa DEOS.

In eodem.

Hic sceptrum, hic ensis: sunt hic calcaria; nec non
Talibus apponi cetera sœta viris.
Sed non appositum est vnà quod debuit vnum.
Hic vir præcipuè quo decorandus erat.
Ductorum ornantur viridanti tempora lauro.
Utatibus ex hedera facta corona datur.
Si fuit hic ductor, si vates maximus; illi
Ex hedera: & lauro danda corona fuit.

In eodem.

Hic ensis donum est Martis . sed laurea Phœbi.
A Baccho hæc hedera texta corona datur.
Hic vir quantus erat cui nunc vel luce carenti
Mars: Bacchus: Phœbus munera tanta ferunt?
Hoc magnum nomen . sed maius , quod sibi gestis;
Quod benè compositis carminibus peperit.

In eodem.

Hic hedera, hic ferrum: hic laurus: tria Numina nostro
Extincto tria quæ dona tulere Duci.
Bacche hederam, Ferrum Mauors, tu Phœbe tulisti
Laurum; quæ tali munera digna viro.

*Hic vates hederæ; dux bello magnus, & armis,
 Et ferri: & lauri dignus honore fuit.
 Quis veterum Heroum, quos virtus intulit astris;
 Hoc ornamentum tergeminum meruit?
 Flete igitur Bacchum: et Martem: Phœbūque sequentes,
 Improba mors vestrum præsidium omne tulit.*

In eodem.

*Effulgebat heri toto sol aureus orbe.
 Cælum hodie nimbi, & nubila densa tenent.
 Tunc voluit Phœbus populo seruire; Patronum
 Ut possent Patres: plebsque videre suum.
 Nunc vero ille suo largè confundit alumno
 Hos nimbos, lacrimas; nubila, mœstitiam:*

**Ad magnanimum ALPHONSVM Secundum eius
 filium, & quintum Ferrari-
 sum DVCEM.**

*Nuntius ALPHONSI cum tristis perculit aures
 Magnanimi Patris morbum: obitūque ferens;
 Me, dixit, Patriæ ad sceptrum; sedēsque paternas
 Intempestiuo tempore Fata vocant.
 Illa opera: illa meo Regi quæ debita, nondum,
 Illa omnis nondum præstita cura mihi est.
 Solabor Patriam, & Matrem: gemināsque Sorores,
 Quas desiderium torquet; amorque mei.
 Nec monitus temnam pro tempore; quos mihi magnus
 Dat Socer; ascendo iam petasatus equos.*

D ii

*Res ego componam; posthac huc cogito. vestrum
 Ciues inuitum ne retinete Ducem.
 Non niuium obstabunt montes. celsasque recurrent
 Has alpes videor iam superare mihi.
 O præstans Iuuenis. nunc tanto in pondere rerum
 Ista isthuc pietas te reuocare potest?
 Paruus adhuc taurus virtutis signa futurae,
 Quæ tu fers omni tempore, ferre soles.*

Tumulus eiusdem HERCVLIS Ducis.

*HERCVLIS hic tumulus complectitur ossa Secundi;
 Quem Quartum ESTENSIS gens tulit alta virum
 Si iustè expendas huius præstantia facta,
 Et populos rexit qua pietate suos;
 Hic Tu dignus erat dices hoc nomine, dices
 Hic etiam tanto sanguine dignus erat.
 Mens igitur multa in cælum virtute relata,
 A Euo perfruitur, perpetuòque bono.*

Ad Illustrissimum AVRELIVM Fregosium de pluuiæ
 & ventis coortis vt Florentia Ferrariam
 discessit DIVA LVCRETIA
 Medicia.

*Unde Appenninus Tirrhenum vergit ad æquor,
 Hi venti perflant; hæ pluuiæque cadunt.
 Sed quæ ventorum: & pluuiarum causa? quod ARNVS
 Et gemit: & lacrimat nata abeunte Pater.*

Quin non hi veri venti, pluuiaue; sed ARNI
 Hi uenti, gemitus; hæ pluuiæ, lacrimæ.
 Sed facies cæli mutatur; & aureus exit
 Aëra per placidum sole nitente dies.
 Aduentante etenim iam virgine, & ARNIDE nympha;
 Sunt soceri hæc nimia ob gaudia versa PADI.
 O virgo, & nympha o quanta est LVCRETIA; quæ fere
 ARNO hanc mæstitiam; letitiam ERIDANO?

Ad eundem de eadem DIVA
 LVCRETIA.

Cum pulchra Hetruscos fines LVCRETIA liquit
 Lata petens pinguis quæ secatur arua PADVS.
 Talia tunc ARNV M fama est dixisse; tulisse
 Cum caput è summo gurgite flauicomum.
 Sentio me totum te discedente moueri;
 Amborumque idem pectora stringit amor.
 Inque tui desiderio, lacrimisque relinquis,
 Qui collesque meos, planitiemque colunt.
 I tamen, i felix prolem paritura, sub axem
 Quæ cæli nostrum tollat verunque genus.
 Iam te expectantes populi, quibus æqua ministrat
 Iura tuus coniux, gaudia quanta cient?
 Iam leto accipiunt vultu: & complexibus artis
 Te Phaëtoniades; te pater Eridanus.
 Hæc simul Arnus ait; Nata simul oscula libat.
 Hæc abit; ille citus fluminis ima petit.

D iii

Ad eandem de eadem DIVA LVCRETIA,
& diuina ELLEONORA eius
matre.

QVOD tanto coniuncta viro sit filia, secum
Latatur tacito pectore magna parens;
Filia letatur pariter; pariterque cupita
Absentem, ut fas est, optat: amatque virum.
Sed cum deseruit Matrem lepidissima Nata;
Atque abiit; gemit hac, & gemit illa simul.
Utraque vim magnam lacrimarum fundit; & arcto
Complexu retinet tum alterutra alterutram.
Sed Natam Mater felicem iussit abire;
Laxata ut voci est clausa dolore via.
Omina qua accepit tacito LVCRETIA corde.
Nam vocem pressit, continuitque dolor.
Sic nulla in terris solida, & sincera voluptas.
Sic varii affectus pectora nostra mouent.

Ad eandem DIVAM LVCRETIAM.

Cum dulcem linquis patriam, sedesque Paternas;
Tum tristi multus Iuppiter imbre cadit.
Et ventis porta est laxata furentibus; ora
Qui passim Thusca: ac incubuere mari.
Sed pede ut hos agros tangis; piscosaque stagna;
Omnia tempestas clara repensè tenet.
Hos ne modos Natura dedit? causeque latentes
Hos rerum effectus; hasque tulere vices?

*An tuus abscessus cælum contristat Hetruscum ?
Aduentus letum reddie an Hadriacum ?*

Ad Illustrissimam IULIAM Roboream Atestiam de
eiusdem DIVAE LVCRETIAE aduentu in
agrum Bononiensem: & Ferrariensem.

*Cosmidis abscessu LVCRETIDIS Arnides ipsa
Nymphae fleuerunt, ARNVS & ipse Pater.
Thusca relicta omnis regio deserta; nec illis
Urbibus, aut villis amplius vllus honos.
Illius aduentu contrà, quæ pinguis paruos
Arua secat Rhenus, leta videre licet.
Et stagna hæc pulchra: & rura hæc felicia; cernas
Stagna magis pulchra; & rura beata magis.
Facta nouo hoc etiam FERRARIA maior honore,
Plausibus: & lætis vocibus astra ferit.
Immemores faciunt fratris, veterisque doloris
Quod Phaëtoniades; magnus & ERIDANVS.
Tum niueis cygnis: & dulcè canentibus olim,
Candidior color est; voxque canora magis.
Quæ Nympha: aut virgo tecum certauerit? vllam
Progeniêre tibi sæcula nulla parem.
An decus aduentu mortalibus addere rebus
Tantum? ac abscessu demere tu ne potes?*

Ad eandem DIVAM LVCRETIAM de illius
in urbem Ferrariam ingressu.

*Dum tanto exciperis plausu populique: Patrūque;
 Tot Procerum illustri te comitante choro;
 Dum vir præcedit, quem tu gaudere videres
 Coniugis aduentu: & morte dolere Patris;
 Dum comes it Frater; quo non felicior ullus;
 Vestibus: & niueo conspiciendus equo.
 Dum magnus sequitur Toletanus Auunculus; vno
 Quo nunc se tellus iactat Ibera viro;
 Et templum ingrederis cum sol se tingeret vndis
 Oceani, vt faceres vota: precēsque Deo.
 Protinus in gelidam nubem tunc cogitur aër;
 Et nix de cælo multa repenti cadit.
 Tum nigra nox veniens albis incanuit alis;
 Et color his qui aderant omnibus ille fuit.
 Cura Deo es certè. tibi quantum candida mens est
 Tu veste; hoc miro signa dat ille modo.
 Hoc etiam candore dies hæc fausta notatur.
 Intactusque tuæ virginitatis honos.
 O pompam ingentem; & tali quæ vicerit omneis
 Una hominum pompas omine; & vna DEVM.*

Ad IOANNEM BAPTISTAM Cythium
 Giraldum de superiori
 niue.

*Dum lato ALPHONSVS populorum munera vulcu
 Accipit; & festos dum parat ille dies;
 Iuppiter hanc subito multa niue conspuit urbem.
 Ipse quoque ALPHONSO dat sua dona DEVS.*
 Ad

33

Ad eandem diuinam LVCRETIAM.

Nupta viro es tali, & tanto de Patre creata;
Et tantis animi: & corporis aucta bonis;
Ut te fas non sit mortalem dicere; sumunt
Mortalem ut vocem, membræque sapè Dea.
Quod si non Dea tu: tali creduntur at esse
Voce: animo: forma, Iuno: Minerva; Venus.
Conditio vna etenim si sit mortalis adempta;
Tres æquas reliquis partibus vna Deas.
Tene etiam Diuûm: & Thufci clementia cœli,
Tantum incrementum protulit Eridano?

AD ILLVSTRISSIMVM FRANCISCVM
MEDICVM Florentinorum
Principem.

IN conuiuio heri quod apparauit
Gens CONTRARIA nobilis, secundis
In mensis variæ datæ fuerunt
Fictæ ex nectare candido figuræ
Nouo nomine Saccaro vocato.
Has inter posita est pusilla fama.
Quam lectissima quæ supra sedebat
Dedit Femina Principi, Patronum
Quem Florentia amat sibi futurum;
Et Senæ pariter vetustiores.
Cum Princeps ait eruditione
Præstans; Ingenioque verè Hetrusco;

E

Hoc est perceleri, atque acutiori.
 Hanc Famam voluit magister esse;
 Sed Fama est mala; nam male est polita.
 Felices populos & vsque & vsque
 Hic Princeps quibus imperabit olim;
 Ut sunt nuuc etiam imperante Patre;
 Vocato Duce, Rege iam vocando.
 A Diis nostra regentibus profecto
 Fortunatius vrbibus regendis:
 Et praestantius euenire posse
 Nil existimo Principe; à tenellis
 Qui sit vnguiculis benè institutus
 Liberalibus artibus; priusque
 Natus hac acie; hocque singulari
 Mentis lumine; & vsque perspicaci.
 Nam per se sapere & potest: & illi
 Nemo os oblinere impudenter audeat.

Ad Illustrissimum ALPHONSV M Atestium
 de nuptiis eiusdem DIAE
 LVCRETIAE.

ILLO tempore quo fuere facta
 Nuptia celeberrima, fuerunt
 Imbres continuique: maximique;
 Perfurente noto: Africoque semper.
 Quae nam causa fuit? fuisse causam
 Hanc: haud non aliam puto; quod ipsa
 Propter splendida facta quae fuerunt

*Cuncta: Regia cuncta; commouebat
Illos inuidia. inde concitarunt
Quos nos vidimus: & quidem molestos,
Imbres continuosque: maximosque
Conspirante Noto, Africoque semper.
Sed quauis pluvia: & fuere venti
Toto tempore nuptiis iniqui;
Ullo tempore nuptias fuisse
His quis dixerit auspiciores?*



IOANNI ANGELO MEDICIO NVERRIME MAXIMO Pontifici designato.



Paganus Paganinus Licianensis.
S. P. D.



VM vii. Cal. Septembres
Tu Romam interregni Pontificii tempore proficiscens Florentia iter faceres; diuertissesque; vt etiam superiori æstate feceras petens Lucensia balnea, ad COSMVM Medicium Florentinorum: & Senensium Ducem; Illêque postridie eius diei quo tu Florentiam venisti, te discedentem vsque ad portam Diui NICOLAI offitii causa esset comitatus; ego quoque tunc vnus ex illius Maximi Principis familiæ numero eum sequebar. cum igitur in præsentem fueris declaratus Maximus Põtifex, vt quidem tum diuinabant non pauci, aut potius ferè omnes; Idque heri & nuntiis, qui huc Roma mutatis ad celeritatem equis venerunt; vbi nunc commoror ob quædam negotia quæ ago.

cum his clarissimis Principibus : & literis sit co-
gnitum Ferrariæ ; ego qui & illum tuum aduen-
tum : & discessum, eamque diuinationem de isto
tuo Pontificatu comprehensam animo tenebam,
de te feci hoc epigramma hesternæ nocte, quod
ad te do HIPPOLYTO Turco, qui quidem ad te
à Duce hoc Maximo mittitur officii causa. Equi-
dem hoc nomine abs te nunc omnium mortaliū
Maximo, vt antea eras optimus ; nollem aut im-
prudens : aut impudens haberi ; sed vterque ha-
bear ; dum me impudentem : & ineptum existimes
factum ex nimia lætitia, quam ex hoc nuncio acce-
pi, cum omnibus iis, quibus & ante acta tua vita :
& sanctitas : & prudentia est cognita ; quibusq: no-
stræ Religionis salus : & dignitas est chara. Absens
tibi animo pedes osculor, vt animo : & ore oscula-
rer, si isthic adessem ; mihiq: ad te pateret adi-
tus, qui vt existimo, nulli probo viro ; & te amanti
est occlusus : etiam atque etiam vehementer exo-
ptans ; & purè : & piè obsecrans Deum Immorta-
lem ; vt qui te ad tantarum rerum gubernationem
euocauit ; eundem quoque velit diutissimè viue-
re pro salute Reipublicæ Christianæ : quæ
profecto tali rectore : & defensore hoc
tempore maximè indigebat.

Vale. Ferrarie iiii Cal. Ian.

1569.

E iii

Ad eundem Maximum Pontificem.

*Religio in luctu : & tenebris cum afflicta iaceres
 Deque suis rebus : deque salute timens ;
 Has fudit voces, lecti fecere supremum
 Cum te Rectorem, Pontificemque Patres.
 Tot perpeffa diu morbos : & vulnera ; iam nunc
 E' luctu : & tenebris exero sana caput.
 Medicus certam medicinam maximus illis
 Iam morbis faciet, vulneribusque meis.
 Id præstare quidem poterit ; prudentia tanta
 In quo etenim tanta cum pietate fuit ?
 Væstra vnum ò Patres peperit cunctatio ; rebus
 Quod faciet pacem ; ac oia longa meis.
 Sic Deus ex alto curans Mortalia ; tandem
 In melius nobis cuncta referre solet.*

Ad eundem Maximum Pontificem qui
 PIVS Quartus est postea
 appellatus.

*Sancte Pater, Pater æternus quem affecit honore,
 Quo maior toto nullus in orbe datur ;
 Quemque omnes credunt tantis virtutibus auctum
 Iampridem hoc summum promeruisse decus ;
 Nunc ego mensus iter longum ; passusque calores ;
 Urit cum passim Sirius ardor agros ;
 Et nulli impense parcens : nullique labori ;
 Et tanta subiens mille pericla via ;*

Nato cum puero sequitur qui Palladòs artes,
 Quem Dux hoc Pisis tempore COSMVS alit;
 Perueni Romam; & versans in pectore multa;
 Decrevi tandem limina adire tua;
 Ad te igitur venio supplex; & dicere coràm
 Quae possem, his libuit promere carminibus.
 Ocia si facies ut possim scribere; per te
 Si vincam sortem, quae me inimica premit;
 Fortè opus intexam exorsum, labentibus annis
 Quod cultum viuet docta per ora virum.
 Pluribus exponet, quod quero PASCHA, medendi
 Usus cui totum cecidit Apollo Pater.
 Id tu cum facies, ego quod diuino futurum
 Et pro doctrina: & pro pietate tua;
 Tum debebo tibi tantum; persolvere quantum
 Haud potero per te si ipsam animam abiicerem.
 Quod praestare tuum est certè; nam Principe tristem
 A te tam magno neminem abire decet;
 Sic per te, ut caeptum est; iam ferrea desinat aetas;
 Et te iam surgant aurea saecula Duce.
 Teque omnes adeant viroque ab litore gentes;
 Et pedibus libent oscula sancta tuis.
 Mutatisque sacris, & vanis ritibus, vnum:
 Aeternumque Deum; Numina trina colant.
 Qua tu laudo diu viuísque: valensque fruaris;
 Et posthàc cum tu sidera celsa petes.
 Quò patet iis reditus; quorum pulcherrima virtus
 Cœtibus humanis attulit auxilium.

Quo te etiam Superum Rex magnus signat honore,
 Quod generi humano commoda tanta facis.
 O te felicem; cui viuo: cuique soluo
 Corpore; tam Diuum Numina amica fauent.

Ad eundem Maximum Pontificem.

Quaedam iugera sunt mihi paterni
 Ruris, omnigenas ferentis herbas,
 Ac felix olus; atque vbi Minerva:
 Et curas hominum leuans Lyæus;
 Nec non flaua Ceres olympo ab alto,
 Et Pomona suas benigna fudit
 Largè diuitias; suamque Phæbus
 Dedit crescere lauream virentem,
 Vel cum bruma gelu perurit arua.
 Omnis denique pulchra: fertilisue
 Arbos, quæ generatur in feraci
 Terra, pullulat hic; suosque profert
 Suo tempore flosculos; comasue;
 Aut fructus varios rigat perennis
 Hæc leta omnia fonte de propinquo
 Ductus riuulus; & leui susurro
 Labens florea per vireta, lymphis
 Purior reliquis: vitræue, somnum
 Sylua suadet inire sub comante.
 Una sed tamen expetita cunctis
 Felicissima planta deficit; illa

Ille

Illa Mespilus, est oborta nuper
 Quæ flauum ad Tiberim, aureis celebris
 Ramis; aureolos ferensque sætus.
 Quos solus legis ò supreme Pastor.
 Et quos accipiunt frequenter abs te
 Tripho: & SYLVIVS: & tuus Phaërnus,
 Concordes animæ: bonique vates.
 Ergò Maxime Pontifex nouella
 Ex hac arbore surculum pusillum
 Da quaeso mihi liberalitate
 Pro tua eximia; & benignitate:
 Qui soles nihil abnegare cuiquam;
 Et qui plurima magna sponte donas.
 Hunc tu si dederis: seram paterna
 In villa: reliquos ut vna vincat,
 Quos latissima terra tactat agros.
 Et quos Hesperidum puellularum
 Hortos posteritas canit, fuisse
 Verè existimet: atque laude campos
 Hos æqua celebret: parique fama.
 Huius bracteolæ nitente flore
 Flauescet pirus. & mihi quotannis
 Quæ feret pretiosa poma, carpens,
 In meis studiis: meisque libris:
 Musis deditus; ocioque dulci:
 À me omni inuidia procul repulsa:
 Ac omni ambitione pestilenti:
 Quod vitæ reliquum est laboriosæ:

F

*Omni tempore vixero beatus,
Nil omnino aliud petens; volensue.*

Ad SYLVIVM: & PHAERNVM.

CAESARE cum magno maior genitore PHILIPPVS
Tot Maria: & Terras: qui ditione tenet;
Intulerit Turcis bellum lacrimabile, forti
Et spolia abstulerit victor opima manu:
Cumque vrbes Asia: & quæ seruit Græcia, tandem
Sustulerint tristi libera colla iugo;
Tum caput incinctus lauro, ducensque triumphos;
Templis persoluet vota dicata Deum.
At nos Interea, tu SYLVI, tuque PHAERNE,
Tam quibus & Musa: & dexter Apollo fauet;
At nos interea pro hedera viridante, beata
Ornati crines Mespila fronde tua:
Pontificis summi celebremus carmine laudes;
Et passim populis, quæ ocia magna facit.
In vaticano cliuo decerpta Poetis
Aurea sic mittet Mespila multa suis.
Ut quæ post veniet lustris labentibus ætas;
Nostris cum chartis talia texta leget:
Pontifici tum nos Vates pro laudis amore,
Pontificem nobis Vatibus Inuideat.
Et dicat tacite quantumuis illa beata;
Quantumuis Vatum clara erit Ingeniis;

*Quàm meliora PIO sub Quarto saecula fuerunt?
 Cur non me similem currere Fata lubent?
 Sic diuersa DEVS sortitur tempora nobis;
 Sic varias rerum voluit & ille vices.*

Ad Illustrissimum CAROLVM BORROMAEVM
 maximum cardinalem In Aureas Rosas,
 quas Max. Pont. sacrat: & donat.

*Ramus ab AENEAE latus fuit aureus, imos
 Ad Manes, & cum venit ad ora Patris.
 Sed primo auulso tunc se qui sustulit alter
 Usque PII ad Quarti tempora delituit.
 Nunc Vaticano felici in colle repertus
 Aureus aureolas parturit ille rosas.
 Pontificis manibus quas lectas, maxima Reges:
 Aut Regum vxores munera ferre solent.
 Sed nouus hic ramus veteri est felicior; ille
 Diis stygiis datus est, hic sacer est Superis.
 Non igitur cuncta in peius: retròque feruntur:
 Sed meliora suo tempore Fata ferunt.*

In easdem.

*Ne Colchi aureolum vellus sub sidera: ne ue
 Hesperides iam nunc aurea mala ferant;
 Multa alia vt finxit sibi tum ventosa Vetusitas,
 Hec etiam falsò uera fuisse refert.
 Sed Vaticani quos flores parturit arbor
 Aureola aureolos saecula futura canent.*

F ii

*Ficta igitur tandem ne iactet Græcia ; vera
Quæ licet, haud certent laudibus Italia.*

In easdem.

*Ne tu oleam sustolle tuam, ne casta Minerva
Laudibus ; aut frondes ne Cyparisse tuas ;
Hæ plantæ : plantæ assurgunt ad Tiberidis undas
Floribus aureolis quæ aurea tota nitet ;
Talem igitur plantam nunc te inuenisse Minerva :
In talem versum te Cyparisse cupis.*

In easdem.

*Non inter plantas iam nunc, dicatur Apollo
Pace tua ; lauro primus habetur honos.
Auricoma usurpat primum, quæ colle virenti
Fert Vaticano nuper oborta rosas ;
Et quas Pontifici fas est decerpere tantum ;
Et quas Principibus mittere dona solet.
Non iam igitur Regum : aut populos vincentis, & vrbes :
Laurea ; sed cingent aurea fæta comas.*

In easdem.

*Aurea sub Iano : & Saturno sæcula quondam
In Latio passim Fama fuisse canit.
Sed meliora P I O sub Principe sæcula currunt ;
Sunt magis & nobis Numina amica Deum.*

*Hic etiam populos tranquilla in pace gubernat;
 Hic etiam nobis ocia summa facit.
 Sed non effulsit simili tum virga metallo;
 Nec Vaticanæ talia terra tulit.
 Namque rosas solido ex auro, quas colligit unus
 Es PIVS; & claris donat habere viris;
 Spontè sua, atque hominum non ulli obnoxia cura,
 In Vaticano planta beata parit.
 Sic Reges alibi & natos Saturnia tellus
 Hos facit; ac omni tempore magna creat.*

In easdem.

*Ut PIVS in Latio cepit regnare; vocarunt
 Hunc lecti summum Pontificemque Patres;
 Protinus est orbis rerum conuersus; & orta
 Saturno quæ pax aurea Rege fuit;
 Quin etiam in cliuo Flauî propè Tiberidis vndas;
 Hic ubi Pontificum tecta superba vides,
 In sacro Luco, quem cingunt undique muri;
 Exorta est species arboris auricomæ.
 Quæ nullo profert cultu: nulloque labore,
 Quas carpit solus; donat & ille rosas.
 Inunc & iacta SATVRNI tempora; sed tum
 Hos ubi dic Flores terra LATINA tulit.
 O nos felices tali sub Rege, beatum
 Illum; quem tanto signat honore DEVS.*

F iii

Ad GREGORIVM SANTANGELIVM
virum Religiosum, & doctissimum.

*De te, deque tuis scriptis ; venerande Sacerdos
Fortè meum sensum ; iudiciũque petis.
Id tibi sincero depromam pectore, sanctè
Pro iuncta inter nos nuper amicitia.
Es pius, & docto scribis pia carmine . Vatum
Quis fert hoc nomen : tergeminiũque decus ?
Hoc præclare agitur nobiscum tempore ; nosque
Aspectant lætis Numina luminibus.
Et parat in melius reparare labantia sacra ;
Cum profert Vatum talia corda DEVS.
Verũ GREGORI, poterant licet esse relatæ
Sat causæ, es tu aliis dignus honore mihi.
Imprimis rectè tibi quod commissæ gubernas
Tum vigilans, reliquos cum sopor altius habet.
Infanti quondam, prudens Natura futuri
Quod meritò Græcum nomen habere dedit.
O te clarum hominem, & Fatis felicibus orum,
Qui benè tot facere: ac dicere tanta potes.*

Ad GENIOS pro salute Diuæ LVCRETIAE
Mediciæ ægrotantis preces.

*Vos GENII, est quorum sub Numine Lydia Tellus ;
Et dextro cornu quæ PADVS arua rigat:
Quin GENII Italiam suæ defendere, cura
Afflicte si vos illius vlla mouet;*

Ne finite ut prima LVCRETIA dia iuuenta
 Occidat, hoc tantum vos prohibete malum.
 Hac pereunte etenim vestrum decus omne periret.
 Non esset vestris urbibus ullus honos.
 Hac etiam magnum Patrem, magnūque Maritum
 Iunxit; & hos iunctos, vnanimesque tenet.
 Sed si concessi metas iam contigit aui,
 Et iam mors avidas iniicit atra manus;
 Hi facite aeterno ut maneant in fœdere Reges
 Pro re: pro causa totius ITALIAE.
 Quæ tali auxilio, quæ defensoribus istis
 Sperat ad Imperium posse redire vetus.
 Si secus aut Italus, aliquis vel barbarus optat,
 Sentiat hic rebus Fata inimica suis.
 Me vos audistis GENII: Regina furenti
 Et febre: & lenta tabe levata valet.
 Vina igitur fundo vobis, ponoque corollas.
 Nullæque carminibus, Numina vestra cano.

Ad Maximum FRANCISCUM Medicum Floren-
 tinorum Principem in eiusdem diæ
 LVCRETIAE mortem.

ITALIA infelix questus de pectore rumpe.
 Heu pullas vestes indue; scinde comas.
 Et mœstum pectus manibus percussa, doloris
 Impatiens, magnis fletibus ora riga.
 Illa: illa extincta est LVCRETIA, vina Deabus
 Quæ fuit haud impar nominibus variis.

Illa nimis celeri LVCRETIA morte perivit,
 Qua mitebatur paxque: salusque tua.
 Iunxerat hæc geminos Reges; iunctosque tenebat;
 Nil quorum regnis firmitus esse potest.
 Et quorum auspiciis tibi iam sperare licebat
 Antiquam laudem, nomen & omne tuum.
 Nunc vires fractæ; & retrò sublapsa feruntur
 Omnia; nunc toto corpore fusa iaces.
 Iusta igitur soluens illius funeris umbris,
 Inferias etiam solue misella tibi.
 Sic: sic iam pridem Diuorum auersa voluntas,
 Exorients nobis inuidet omne bonum.
 Sic nos iandudum, quod talia multa minantur,
 Barbaricus fastus; seruitiūque manet.
 Et certè ITALIAE spes funditus occidit omnis,
 Hi duo ni seruent fœdera pacta Duces.
 Quæ seruaturus cum tota mente peropto;
 Tum me, quem moueant certa, tenere iuuat.
 Qui noscam amborum quanta est constantia; quantus
 Amborum tangat pectora laudis amor.
 Et quanta est illis libertas publica cura;
 Pro qua non iisdem triste perire foret.
 Hoc portendebant damnumque: malumque; coortis
 Miscentes pluuiis prælia dira Noti;
 Cum pulchram linquit Floram, sedesque Paternas;
 Coniugis & tali cum omine regna petit.
 Cum cecini quod erant ARNI suspiria venti;
 Illiusque illa quod pluuie lacrima.

Abscessum

Abscessum charæ qui Nata ferre nequirit;
 Cum tamen hæc gemeret fata propinqua DEVS.
 Nec posset leges illorum vertere; duro
 Quæ ferro incisa, aut duro adamante rigent.
 Quin etiam pompa solito de more superba
 Intrat ubi arx portam Virgo THEALTA tuam;
 Albis quam serum filis argentea vestis
 Intexta ornabat; multaque gemma micans;
 Et quam multo auro diues lectica vehebat;
 Vix qualem IVNO credimus esse tuam;
 Cui mille Heroës comites, Germanus & ibat
 Et lena; & niueo conspiciendus equo;
 Tum Phaëtoniadas veterem renouasse querelam
 Fraternalis casus; tum gemuisse ferunt.
 Et Pater ERIDANVS præfagus funeris huius,
 Illo tristitiæ tempore signa dedit;
 Unda cum fluere lutulenta; & murmure mæsto;
 Lugubresque daret litus utrinque sonos.
 Tunc cycni auditi profundere flebile carmen;
 Vicina in mortis limine quale canunt;
 Hoc illis animus tum cum diuinat; adacta
 Atque altè penetrat pluma senile caput.
 Et visus coruus dexter; cornixque sinistra
 Atque queri, atque supra peruolare Padum.
 Insula tollit ubi se se sub mænia; Magnus
 Quod quondam ALPHONSVS nobile curat opus.
 Cum mens læua hominum non hæc perpenderet olim;
 Quod rerum infelix exitus ipse docet.

Non tamen hos luctus, cecidit tum multa repenit
 Quæ nix, cum vixit maxima templa Deum;
 Posse videbatur nobis prædicere. cuncti
 Quin faustum: & felix omen id esse putant.
 Et iactant signasse Deos candore niuali
 Hunc letum populo, coniugibusque diem.
 At tantos plausus: & gaudia tanta; perennem
 In luctum: & lacrimas versa videre licet.
 Sic quæ sæpè tibi fingas felicia, ventos
 Iuppiter hæc volueres irrita ferre iubet.
 Cum quæ aduersa times, celeri pede cuncta venire;
 Et semper soleant vberiore modo.
 Vos HEROINAE liquidis regionibus orta,
 Hetruscos quales dixeris esse locos;
 Cœnosa horrete lacus; crassasque paludes;
 Incola quas tuò vix habitare potest.
 Vos moueat Bacchi: & Cereris mutatio; vita:
 Et victus ratio est tota tenenda prior.
 Venatu: aucupio: suetisque laboribus artus
 Durandi; perdit quos mala segnities.
 Hanc cæli illius grauitas infecit; & inde
 Paulatim irrepsit morbus; & illa lues.
 Quæ prius à Medicis non intellecta, valentes
 Concepit vires viscera tota replens;
 Et post firmatis nitens radicibus, vlla
 Non potis auelli vique: viâque fuit.
 Sic summè cum sana foret, summèque valeret;
 Serpenti infelix tæbe peresa cadit.

Cum quartum lustrum medium contingeret ; auum
 Quæ longum certè viuere digna fuit.
 Dum saltem ex illa soboles suscepta fuisset ;
 Coniugis : & Patris nodus amicitia.
 Dii voluere secus curantes omnia certis
 Consiliis ; multa quæ abdita nocte latent.
 Et quæ scire nefas homini, dum simplicis auræ
 Partem animum in terris noxia membra grauant.
 Sed quid ego accuso tractum : cælumque N I V E N T I ?
 Et quæ dicebam ; quæque referre piget ?
 Mutauit tempus moremque : sicumque P A D V S A E.
 Illa senes regio facta salubris alit.
 Non cibus : aut potus Dominam confecit. iniquæ
 Ocia non illam lenta dedere neci.
 Tempora stant nobis moriendi fixa . nec illa
 Vel differre tibi, vel celerare licet.
 Nam vim Parcarum nulla ratione mouere,
 Cum tibi legerunt vltima fila ; potes.
 Non si te iactes claro de sanguine cretum.
 Suppetat & rerum copia larga tibi.
 Forma nihil prodest ; nil virtus plurima. nanque
 Aegri Mortales fumus : & umbra fumus.
 His cunctis Regina bonis effulsit . at illa,
 Ut flos succisus vomere ; rapta perit.
 Et cum nos omnes rapiat mors improba ; vita
 Nostra tamen vario turbine mersa cadit.
 Ut folia in syluis furibundus decutit Eurus ;
 Aestas cum praeceps puluerulenta ruit.

Et contristat hiems nimboris imbris annum;
 Incipit & pigro claudere rura gelu.
 Pars etiam quorum de matre auellitur alno
 Vere ipso; vel cum Sirius vrit agros.
 At tu sancta Anima in sublimi parte recepta
 Siderea sedis, ducimus vnde genus;
 Triste tui desiderium quos torquet; ab isto
 Umbra aliquando levis vertice vise tuos.
 Præcipue magnum Patrem; magnamque Parentem;
 Et Fratres, & qua sola relictæ Soror.
 Nescia quæ nullum lacrimis imponere finem;
 Crudeleisque DEOS: astræque dira vocat.
 Teque gemit complens singultibus æthera, Turtur
 Ut Socia amissa turture sola gemit.
 Vise virum; qui cum vixisses iuncta beatè;
 Si tibi cessissent viuere Fata diu.
 Nam nihil in terris est illo suauius vsquam;
 Qui Patris mores; Ingeniûmque refert.
 Quem fortasse suo; sed iniquo tempore toti
 ITALIAE; & rebus Diû rapuere meis.
 Solare afflictum. qui te noctesque: diésque
 Nunc flet: Thax ORPHEVS fleuit vt Euridicen.
 Hic te etenim, licet armorum studiosus, amabat;
 Quantum vllus coniux coniugem amare potest.
 Adsis ò felix misera, tu cuius alumna
 HESPERIAE, hancque tuo numine dextra leua.
 Si qua tuo & Letho tempestas imminet; ora
 Vertat vt à nobis Rex hominum; atque Deûm.

Sic tua femineam mentem superabat; & annos
 Quæ virtus: & quam mors violenta tulit;
 Constanti aucta virum fama se tollat in astra
 Littore ab Eoo, litus ad occiduum.
 Desinat & nunquam posthac labentibus annis:
 Se Mundus donec vertet veroque Polo.
 Cumque Sorore Dea, similis quam merfit acerbi
 Vis lethi, curam: delitiisque Patris:
 Cumque tuis reliquis, habitant qui culmen olympi:
 Quot puro in cælo sidera pulchra nitent:
 Diuina ambrosia vescare: ac nectare: summum
 Perpetuò spectans tu DE A facta Deum.
 Explet quæ mentem, quæ res facit vna beatos
 Dignatos mensa: concilioque Deum.
 Impedior seuo ne scribam plura dolore.
 Tu verò æternum magna Patrona vale.
 Hosque meos gemitus alto ne despice cælo;
 Viuenti si quid iam tibi gratus eram.
 Si superest sensus, hæc quem Mortalia tangant:
 Cum linquunt animæ corpora tarda leues.

Ad eundem tumultus eiusdem.

Nomine dicta fui LVCRETIA, flore Iuuenta
 Quam primo Fati vis inimica tulit.
 Me genuit COSMVS Toletana è matre, beata
 Hætruscos populos qui ditione tenet.

Vxor eram ALPHONSI, cui nunc Ferraria paret.

Tu potes hinc per te discere quanta fui.
Hæc quicumque legis, tua te cum Fata vocabunt;
Aequo animo, hæc; nostro funere disce pati.

Ad ANGELVM PAPIVM Iuris consultum
celeberrimum, de IMPERIO; &
IMPERIA.

Temporibus variis, quæ tu clarissima dicas;
DII duo Romanis dona dedere duo.
Mars ferus Imperium tot iam labentibus annis,
Imperiam nostro tempore pulchra Venus.
Hoc nihil Imperio maius sol aureus vsquam
Vidit; nil vidit pulchrius Imperia.
Gentibus augusto Imperio veneranda, venusta
Imperia dulcis Romula terra fuit.
Imperii ratio Romanos mouit ad arma;
Et facere Imperiæ bella coegit amor.
Et si conditio mortalis adempta fuisset,
Quæ nos crudelis: nostraque cuncta rapit;
Imperio poterat cælum exæquare; Deabus
Imperiam poterat dicere Roma parem.
Sed ruit Imperium quondam discordia demens;
Nunc Fati Imperiam vis inimica tulit.
Imperium luxit tantum Romana propago,
Illo quæ populis inuidiosa fuit.
Imperiam gentes vtrouque ab litore lugent,
Quas vndis ambit maximus Oceanus.

*Hinc Roma Imperio tanto spoliata, videtur
 Nunc vulgò reliquis urbibus esse minor.
 At terra Imperia dia viduata, videtur
 Amisisse suum lumen: & omne decus.
 Imperii æternum nomen, laudésque manebunt;
 Imperiæ pariter fama perennis erit.
 Illa etenim gaudens præstantia tollere, semper
 Hæc canit; & magna: & pulchra perire uetat.
 O ter mirandum Imperium, nimiùmque beatum;
 Qui cum conferre haud imperia ulla potes.
 O ter laudandam Imperiam, nimiùmque beatam;
 Conferri qui cum nulla puella potest.
 Sic Latium antiqui Imperii, & præsentis honore
 Imperiæ; ad cæli sustulit astra caput.*

AD VIATOREM PVERPERRA quæ ROMÆ
 sepulta est in MINER-
 VÆ.

*Fascia quem gyris circumdat lata, supinas
 Imposui iunctas cuique supina manus;
 Hunc genui infanem; sed partus virgo dolorum
 Impatiens: fudi mortuum: & occubui.
 Hinc consanguinei voces ad sidera iactant,
 Quos tabula è viuo marmore ducta refert.
 Memiserans; puerùmque meum: lacrimare Viator.
 Sic ò contingant tristia nulla tibi.*

Ad eundem eadem.

Laua marmora si vides ferire

Mæstis sidera vocibus VIATOR:

Et multis lacrimis genas rigare,

Ob Matris: Puerique acerba fata:

Te stringat pietatis, & doloris

Imago similis: nec hinc abito

Siccis luminibus. tuarum iniquam

Sic non sentiat vlla feminarum

LVCINAM sibi, cum vocabit illam

Partus in medio dolore; vt ipsa

Sensi, cum misera edidi puellum

Cassum lumine; & occidi repente.

Iam tu carpe iter antea institutum.

*Ad Illustrissimum ALBERICVM Cibium tumulus
honestissimæ ISABETAE Roboreæ
eius coniugis.*

*ISABETA mihi nomen fuit, inclyta quam gens
Protulit: URBINVM quæ ditione tenet.*

*Quantum animo fuerim præstanti, & corpore; viua
Quem colui, pudor is me reticere facit.*

*Nupta fui Herôi, dominum quem MASSA veretur.
Ad mare Tirrhenum quæ caput alba leuas.*

*De me suscepit Natum, prolemque virilem
Coniux, spem nostræ: subsidiûmque domus.*

*Iniecere manum Parcæ sub tempus id ipsum,
Qui medius vitæ terminus esse solet.*

*Hæc qui legisti, iam tu discede: volutans
Corde tuo, tua quod te quoque fata manent.*

Ad

Ad clarissimum AENEAM BARDVM
tumulus IOANNIS eius Filii.

*Me pater AENEAS BARDA de gente IOANNEM
Nomen aui Illustris iussit habere viri;
A puero addictus Musis, sub flore Iuuenta
Arma volutabam, militiamque sequi;
Quaque decent illum, qui sic generatus: & alius;
Se gaudet solo laudis amore rapi;
Designato Equiti de Principis ordine COSMI,
Hetruscos populos qui regit imperio;
Inuidere mihi cum Numina saeva, maligna
Et tres neuerunt vltima fila Dea.
Ne consanguinei, ne me lugete Parentes;
Ah ne tantus edat pectora vestra dolor.
Pace fruor Diuum stellanti in culmine OLYMPI;
Quam mihi vis morbi rumpere nulla potest.*

Ad eundem alius.

*Ei genere, & forma praestanti; & mente: futura
Qui iam virtutis tot documenta dabat;
Hunc pater AENEAS tumulum de more IOANNI
Cum lacrimis multis, & gemitu posuit.
Has huius Iuuenis diuini funus acerbum,
Nedum homines; fama est ingemuisse feras.*

Ad Nobilissimum NICOLAVM DOREAM de THVSCA;
duobus filiis: & marito.

H

58

THVSCA duos genuit pueros, cum matre lauatur
 Alter; dum tepidam suggerit alter aquam.
 Hic cadit in prunas, vitamque reliquit in igne,
 Nec tulit accurrens tempore mater opem.
 Alteriusque memor peteret cum balnea; mersum
 Hic illum infelix: exanimemque videt.
 Casu igitur duplici Natorum exterrita; terram
 Ceruice effracta percutit, & moritur.
 Ecce superuenit coniux, inque aëre pendet
 Impatiens luctus fune premente gulam.
 Sic pueri: genitrix: coniux fatale tulerunt
 Damnum telluris: aetheris: ignis: aquae.

AD IVSTINVM ROSCIVM
 In morte AVRORAE Romanæ.

Purior Oceani ex vndis Aurora resurgit,
 Maiori multò lampade cincta redit.
 Quin, non esse mihi Tithoni Aurorā videtur
 Coniux; est alius frontis: & oris honos.
 Agnosco: Aurora est, quam Tiberis Flore Iuvenia
 Extinctam, ac omnis Romula terra gemit.
 Pro prima Aurora, hæc Aurora secunda reducit
 Per liquidum bigis æthera vecta diem.
 Nec sol huic vllum lumen partitur; in orbe
 Hoc ipsum lumen fundere visa fuit.
 Felicem occasum, qui isthuc te Aurora reuexit;
 Luce tua effulgens tantum ubi munus obis?

Ad eundem de eadem.

*Sol terras lustrat tam sera lampade ? passim
 In magno apparent sidera nulla polo ?
 Nunc media est æstas, sed bruma tempore numquam
 Se se tam lentè sustulit vlla dies ;
 Iuppiter anne vnà tres noctes iunxit adulter,
 Ut quondam Alcmenen Amphitryonis amans ?
 Secula perpetuas an sunt visura tenebras ?
 Semper erit vulgò talis in orbe color ?
 Est ita . nam extincta est, quæ lucem Aurora vehebat
 Almam ; quæ clari præuia solis erat.
 Fata inimica hominum rebus, laudique ; resarcit,
 Quis raptum terris lumen : & omne decus ?*

Ad ALEXANDRVM Strigium tumulus
 ALEXANDRI eius patris.

*Clarus ALEXANDER Strigius sagòque, togàque ;
 Atque domi : atque foris conditur hoc tumulo.
 Huius fama canit, præstantia plurima facta
 Non vlla posthàc emoritura die.
 Id verò imprimis ; TICINI Marte quod equo
 Pro re Itala Hispanum vulnere stravit humi.*

Ad eundem alius.

*Carmine quod cecinit diuino Aeneia Facta
 VIRGILIUS, celebris docta per ora volat.*

H ii

*Sic quoque ALEXANDRI Strigii pulcherrima facta
 In pace, in bello fama loquetur anus.
 Quin verbis quāto præstant pulcherrima facta;
 Nam verbis multò facta minora vides,
 Tantò maius erit, dum cælum sidera pascet;
 Nomen ALEXANDRI nomine VIRGILII.
 Sed quis te digna decorabit laude sequentum
 Et Phæbum: & Martem MANTVA magna parens?*

Ad Illustrissimum GARZIAM Toletanum SICILIAE
 Proregem: de GARZIA: IOANNES: ELLEO
 NORA: FRANCISCO: COSMOQUE
 Mediciis Principibus maximis.

*GARZIA cum moritur pulcher, magnusque IOANNES,
 Optima cumque parens ELLEONORA perit;
 Tum vere, ætate: autumno spoliatus ut esset
 Annus, deformis THVSCIA facta fuit.
 Sed rediit postquam Hispanis FRANCISCUS ab oris;
 Huic totum accessit, quod fuit ante decus.
 Facta eadem obscura est, foret ut sine solis olympus
 Lumine, cum ægrotus maxime COSME iaces;
 At postquam, ut primùm, sanusque: valensque relinquis:
 Qui tua nunc tenuit languida membra, thorum;
 Mutata rerum facie, pulsisque tenebris,
 THVSCIA fit vulgò lucida; qualis erat.
 Hic status est rerum humanarum. namque tenore
 Procedit certo, perpetuòque nihil.*

Ad LVDOVICVM Fulcum Diui IOANNIS Equitem
sacerdotem tumulus ANDREAE
patris.

*His situs ANDREAS, genuit quem Felsina, Fulcus;
Qui prudens iuris: Iustitiaque fuit.
Vir natus magna ad tractanda negocia; semper
Constanti aut leta: aut tristia mente ferens.
Post auctam variis patriam: sedesque paternas
Nominibus; longum quæ memorare foret;
In Superum sedes: stellantia templa, volauit
Natorum: vxoris: Pontificumque dolor.
Quos liquit dulci priuatos Patre: Marito:
Patrono; hoc quem etiam tempore ROMA gemit.*

Ad Illustrissimum IVLIVM Vitellium: in
VITELLIORVM insignia.

*Hic ludum, lunam; vitulum: pulchrâque puellam:
Et palmam: & sertum picta videre potes.
Est ludus belli simulacrum; luna renidet
Noctu; Diis vitulus victima pura cadit.
Serto Europa Iouis redimiuit cornua Tauri;
Victori palma: & pulchra corona datur.
Hæc igitur gestant insignia iurè VITELLI
Fulgentes bello: & religionem Deum.
Virgo quibus tectis vituli sub imagine, binæ
Virtutis geminum donat habere decus.*

H. iii

Ad Illustrissimum VINCENTIUM
Vitellium iocosum carmen.

Longus heri sermo est factus, videntibus ipsis
 Nostris Principibus; Nobiliūmque choro;
 Bis centum nummos, quos scutos dicimus, ille
 Sermo, Te: ac Spinam deposuisse fuit;
 Ac talem summam nummorum perdere Spinam,
 Ni Floram PISIS octo diebus iter
 Ille pedes faciat, dum sol se pandit aperto
 Aethere; nec magno est conditus Oceano.
 Quò te traxerunt sermones Spina iocosi.
 Non ne vides quæ te certa pericla manent?
 Intra Sextilem, tam pingui corpore longum
 Infelix poteris tu facere illud iter?
 Tu quoque Vitelli Procerum dulcissime; noli
 Tam lepidum: & suauem queso necare virum.
 Tu ratione tui mitescas Principis, ille
 Quaestorem gratum perderet vsque sibi.
 At chirothecis esto contentus odoris;
 Quos mittat victus; munerēue exiguo.
 Aurum depositum facilisque: volensque remitte;
 Vincere VINCENTI sit potuisse satis.
 Penè nefas magnum est, vitæ discrimine; tali
 Hoc si tantus homo tempore tentet iter.
 Sic nos Mortales agros iocularia latum
 In risum; & lethum ducere sapè solent.

Ad PETRUM Corsum celeberrimum
Iureconsultum.

*Quas tibi quas potero grates persolvere dignas
O fortis Cyrenes gloria magna tua?
Nam mihi magnificis cœnis : ac ore diserto
Tu reficis corpus, Tu recreas animum.
Nec satis illa tibi; quæ sunt mihi maxima, Tu me
Et largè : & lætè rebus Amice iuuas.
Possum igitur quicquid fluido vel corpore, dio
Aut animo ; id totum doque : dicòque tibi.
Id tibi, qui Diuûm es similis, debetur virunque;
Si tua lingua, manus; seruat virunque mihi.
Est ita. vir verè est, cui mentis acumine claro;
Doctrina : & rerum plurimus vsus adest.*

AD IOANNEM BAPTISTAM DETVM.

*Larga spontè manu quod tu das munera, non te
Detum ; sed Dantem dicere Dete licet.
Aut primam ponens vocalem in sede secunda,
Atque hanc abiiciens, te voco Dete Datum.
Nam datus è cœlo iuuenis virtutis amicus;
Ingenti dignum nil nisi laude facis.
Sed vetus agnomen retinens, cognomina siue
Ambo, aut alterutrum, quæ noua iurè dedi;
Tu sequere, vt sequeris; famæ immortalis honorem.
Et sic in cœlum tu tibi sterne viam.
Nam benè de genere humano bone Dete merentes,
Fama aucti; & celebres ad supera alta volant.*

HERCULI GONZAGAE
amplissimo cardinali.

Paganus Paganinius Licianensis.
S. P. D.



ERI cum Mantuam venissem ea propè
tantum causa, ut eam viderem; diuerſi ad
ades illuſtriſſimæ CLARAE Corregiæ fe
minæ lectiſſimæ, ubi habitat MICHAEL
Urbanus vir cum literis perpolitus, tum ob
ſolers Ingenium: & acre Iudicium maximis negotiis tra
ctandis maximè Idoneus, & mihi non vulgari amicitia cō
iunctus. Itaque cum hodie non domo exuliſſemus pedem,
quod mutata totius cœli facie ningeret, & plueret, perque
moleſtus flaret ventus, ſedebamus à prandio ad Ignem: &
variis de rebus colloquebamur, cum etiam (ita viſi) de te,
deque tuis diuinis virtutibus intulimus ſermonem. quæ res
fuit cauſa ut Michaeli dixerim, mihi eſſe in optatis: & iam
pridem fuiſſe, te viſere: & ſalutare. Sed ſubuereri, ne, ſi id
facere ego tibi planè ignotus, uiderer impudens: et ineptus.
Sed cum hanc meam cunctationem, & timorem ille uerbis
amiciſſimis caſtigauifſet, affirmâſſetque omnium Princi
pum noſtri temporis te eſſe humaniſſimum, hocque meum
offitium non aſpernaturum, decreui tandem te adire, tibi que
(ut in more eſt poſitum) manus deoſculari. uerùm cum mi
hi ueniret in mentem qui eſſes, & quo loco natus, uolui ali
quid ad te aſſerre, ut quo quo munere teſtarer tibi, quàm tui
eſſem

essem studiosus . cum igitur nonnulla mea scripta forè me-
cum attuliffem, ex iis delegi quandam meam orationem de
optima Republica; quam ab hinc ad decem annos LVCAE
habui, dum illic honestissime commorarer . eam igitur tibi
do : & dedico ; quam si libenti animo : & lato acceperis :
& legeris, vt quidem cum spero, tum opto, mihi erit gratif-
simum . vale tui collegii decus . Mantua iiii Cal. Decembr:
M D L X.

Ad Illustrissimum VILIELMVM Gonzagam Maximum
Mantuanorum Ducem, in funere HERCVLIS;
Patru amplissimi Cardinalis; & Pontificii
legati ad Concilium Tridentinum.

HERCVLIS vt magni Gonzagæ nuntia fama
Vulgauit lethum Romana per oppida; perque
Flumine felici quæ Mintius irrigat, arua,
Tanti hominis grauitur turbata funere passim
Illæ sunt vrbes. Imprimis Maxima Roma,
Et Mantopinguis non gloria parua Padusæ,
Quem decus omne suum ostentabant; altera, quod cum
Illius ornasset frontemque : caputque galero
Puniceo ; se plura tamen retulisse canebat
Pleno ore ; & populis id testabatur vbique
Sexcentum enumerans pro se præstantia facta
Semidei claris virtutibus omnibus aucti.
Altera quod cum se tali iactaret alumno ;
Non vllis populis, non vllis vrbibus illo
Nomine cedebat, quas sol despectat olympo.

H

ROMAM igitur fama est, & MANTO è pectore tanti
 Consortes damni ad cælum rupisse querelas,
 Pectora fœdantes pugnis; atque vnguibus ora;
 Ambas flauentes crines per eburnea colla
 Fusas; & pullis indutas vestibus ambas:
 Hasque modis, nec non laniantes turpibus illos:
 Cum lacrima caderent utriusque ex ore decora.
 Qualem floriferis in saltibus esse videmus
 Albentem rorem noctu qui decidit;isque
 Sole recens orto in foliis: herbisue refedit
 Cratus adhuc pecori, nec dum correptus ab aestu:
 Et ut secreta, in tenuis evanuit auras:
 Unde fluit tacite concretus frigidus aër.
 Ille igitur rumor qui detulit omnia, ROMAM
 Hos fletus: illos MANTO fudisse canebat.

ROMA. Iam pridem fatale mihi est, ut quos ego magnos
 Heroas pario; aut aliis regionibus orti
 Huc me qui veniunt habitatum; quique vetustum
 Imperium; & priscum nomen mihi reddere possent;
 Hi pereant omnes vel primo in limine vitæ;
 Vel laudum medio in cursu, atque ingentibus orsis,
 Fundamenta mea firmissima iacta salutis
 Optatae incipiunt cum se sustollere; nec dum
 Tale opus est reliquum constructum, quale futurum
 Constrabat forma excellens; populisque timorem:
 Invidiamque mouens; mea magna potentia quondam
 Quos bello passim vicit: iustoque subactos
 Imperio rexit posthac: & legibus æquis.

Atque equidem ut fileam, numero comprehendere possem
 Quot nunquam : taleis lustris labentibus olim
 Quos genui ; aut tenuere altas qui Tibridis arces
 Orti alibi ; sed quos decoravi insignibus : atque
 Is ornamentis : & honoribus omnibus amplis ;
 Quos dare consuevi virtute : & sanguine claris ;
 Quae duo coniuncta apparent pulcherrima : quale
 Ceruleo à circo cum fuluum clauditur aurum.
 Sunt extincta mihi nuper duo lumina magna ;
 Illud MEDICIA exortum de stirpe , ferace
 Pontificum : atque Ducum clarorum ; iamque potenteis
 Latura Reges, quis Thuscia seruiat omnis
 Aeternum ; & quorum auspitiis se tollat in astra.
 Hoc verò, peperit quod Tellus illa beata ;
 Qua tu Rex Lacuum Pater ò Benace, sonanti
 Par pelago : fremituque mari perlaberis amne
 Perliquido ; largè tandem cum erumpis in arua ;
 Hic ubi nunc Veneti struxerunt mœnia tanta ;
 Quantos vix dicas Ossam, vel Pelion ipsum,
 Vertice qui cœlum tangunt , & sidera summo.
 Huius præsenti multa virtute, senectæ
 Tangentis medium spatium ; virtute futura
 Illiusque pari ; ereptis iuuenilibus annis,
 Idque breui spatio, quam laudem : quamque quietem :
 Ocia quanta meis spondebam rebus ? onustus
 Hic : aut ille suo cum tempore clauibus , atque
 Sancto habitu : & Pastor populorum dictus, haberes
 Ius utrunque meum in gentes, quæ Numina Divinum.

Vera colunt, non quæ tenui, uenisset ab astris
 Cum Deus in Terras nondum; qui Numine vasta
 Et Maria: & cælum: & terras; atque Infera torquet.
 Cum Regina fuit Terræque: marisque Togata
 Gens mea; cumque fui rerum pulcherrima; cumque
 Cum populo Patres conspirauere; meosque
 Nondum turbarat demens discordia ciues;
 Ipsa mea cum mole rui de culmine; vires
 Atque meas in me verti: exitiūque meorum.
 Diluio anne aliquo semper: veteriue: nouiue
 Obruar? an nunquam pelago demersa profundo
 Eueniam? in tenebris semper: luctūque iacebo
 Vel Pæno miseranda? mihi quem gloria fecit
 Infestum; & rerum nomen: lumēque mearum.
 Atque mihi nullūque hominum, nullūque Deorum
 Afferet auxilium optatum? aut miserebitur vnquam?
 In liquida vel me, & fulgenti luce locabit?
 Sunt infesta mihi, quod dixi; Fata Deorum;
 Id quod non dubiis possum dignoscere signis;
 His quæ temporibus video; vidi que vetustis.
 En etenim hoc aliud misero est in corpore nuper
 Inflictum vulnus. nam Insubria magna virorum:
 Magna Parens frugum; luuenem, quem miserat ad me
 Egregium; atque alto natum de sanguine; magnum
 Iamque meum decus; & de quo sperare licebat
 Omnia magna, mihi rapuit mors improba; felix
 Cum poterat meritò dici; meritòque videri.
 Tu FEDERICVS eras; velocis terra Metauri:

Formosæ vxoris causa, te fleuit; & ingens
 Eridanus; Latiumque meum, cum Tibride Thusco.
 Atque Arnus, magni senis; augustique, dolore
 Ipse suum renouans fletum: Luctumque recentem,
 Antiquum vnde genus ducit tua candida Mater
 Pontificis soror; Inde orbes, Infigia gentis
 Medicinæ, gerit; & gaudet se stirpe creatum
 Et tanta; COSMOQUE fauens; et rebus Hetruscis.
 Tot diras clades; tantas: taleisque ruinas,
 Venturi grauiorē desperatio reddit.
 Quod nisi qui rerum potitur, PIVS, ille sacerdos
 Maximus, atque idem decoratus nomine Regis
 De more antiquo; meritis ne laudibus illum
 De fraudem ingrata; & depromam ut condita mente
 Alta quæ teneo; iam oculis præpandere Romæ
 Lucem cepisset; se libertatis amantem
 Ostendens Italæ, & Romani nominis acrem
 Tutorem, & pro me se velle capeßere bellum;
 Si sit opus minitans hac causa effundere posse
 Vitam, & quicquid habet regni, rerumque mearum;
 Iam me præcipitem Tarpeia ex arce dedissem;
 Aut de ponte aliquo flauis sub Tibridis undas,
 Et tali tantos finissem morte dolores,
 Seruitii studiosa iugum à ceruice superba
 Excutere, opprobrii impatiens: & prodiga vitæ.
 Nec frenum accipere, aut aliis imponere sueta.
 MANTO. Si genere est quisquam qui se vel iactet auito,
 Vel largis opibus, vel rerum diuite cornu;

H iii

Siue clientelis, magnis vel honoribus, ille
 Ingenti numero uirtutum ornatus: & illis
 Nominibus, multisque aliis præstantibus, atra
 Iura trium sperat conuertere posse Sororum,
 Seque rapi è letho, quàm falsò speret, & illud
 Is credat, præsens funus docet HERCVLIS, illis
 Rebus abundabat qui cunctis: HERCVLIS, nullo
 Quo Gonzaga domus non tempore protulit vllum
 Corporis: aut animi meliorem nomine, sueta
 Illa viros parere illustres: quot maxima Tellus
 Vere nouo effundit flores per amœna vireta,
 Vel quot collucet in puro sidera cœlo:
 Aut certè quot nulla parit generosa Propago
 Sub luna terris citima, terrisque propinqua,
 Horum vt non aliud quæ nos vaga dicimus astra.
 Heu spes incertas hominum, subiectæque cuncta
 Luctibus insanis. Mortales ite, caducis
 In rebus vobis aliquid præsumite certi.
 Ah suum ad arbitrium vt perturbant omnia morsque:
 Et fortuna potens. Heros ò Maxime: Patrum
 Concilio in magno sanctorum, quosque salutis
 Cura premit uehemens communis, Fama Tridenti
 Te modo ferre pias leges, & iura canebat
 Orbem per totum, sub quo Germania magna
 Porrigitur, diròque fremens nunc Gallia bello,
 Perque Italos populos, & quos Hispania nutrit,
 Viuit adhuc quæ peste nihil contacta, secundum
 Diuos quod CAROLO debet, debetque PHILIPPO:

Qua pestis diris furis agitata, vetusta
 Nunc sacra conatur, ritusque abolere probatos,
 Nec non tanto hominum consensu: usuque receptos.
 Mors tibi perpetuo nunc clausit lumina somno?
 Nunc extincte iaces? talis te pompa reducit
 In patriam? quæ alios spe plena parabat honores
 Pro virtute tua tibi ponere: pulchra trophæa;
 Atque triumphales arcus; non signa doloris,
 Et nigras vestes; & feraleis cyparissos,
 Thura adolens: vrénsque tibi funalia mille.
 Non te expectabat talem Regina Parente
 Casare de magnosata, cui Pannonia paret:
 Gentem auctura tuam regali prole, superbæ
 Cui per se, magnum nunc attulit incrementum:
 Magnanimo Fratris Nato coniuncta Hymenæis.
 Nec Manto vates quæ me fundavit; & vnde
 Sum sortita vetus nomen, cum multa moneret
 Diuersis posthac ventura ætatibus; haud hos;
 Haud mihi predixit luctus; nec funera tanta.
 Sed cecinit fore, nec tempus monstrabat; & huius
 Ulla mihi non signa dabat, de gente creatus
 Cum vir Gonzaga, dictus de more Sacerdos
 Maximus, insignisque toga, insignisque corona
 Tergemina, regeret gentes in pace; potentis:
 Atque DEI vnus, quæ sanctum Numen adorant:
 Et Latio laudem antiquam qui redderet omnem.
 Id felix rebar tempus venisse; putabam
 Fatidico huncque virum signari à Numine Diuæ;

Id sectans, iam cuncta tenes Gonzaga sacerdos
 Omne ferens punctum, quod quondam penè tulisti.
 Fortè vnum: aut ambos portendit Regia Manto,
 Purpura quos ornat similis, Gonzaga propago
 Quos eadem genuit, iuuenes virtutibus, atque
 Moribus insignes diuinis, Inclyta quorum
 Spes mihi præsentem luctum delinit acerbum,
 Quem capio in tanto rerum discrimine magni
 Ex letho Patruī, cum tempestatibus atris
 Nauigium PETRI nunc huc, nunc fluctuat illuc,
 Insanis iam iam mergendum fluctibus, atque
 Ad scopulos allidendum, adque immania saxa,
 Ni DEVS antiqui promissi haud immemor, ipse
 Et clauum regat, ac immitat leniter auras
 A puppi flantes, quæ condant illud ab alto
 Turbato in portum tranquillum, sæpè quod ante
 Est factum, & fiet posthàc voluentibus annis,
 Dum Patrem: Natumque DEVM venerabimur, atque
 Quem Pater: & Natus conspirant, qui tamen omnes
 Sunt vnus DEVS, est rerum cui summa potestas.
 Hoc præsens Lethum renouat mihi vulnera, quondam
 Quæ FERDINANDI Fratris de funere sensi,
 Iustitiæ insignis: bellicue laboribus, ille
 Qui fuit Augusto CAROLO grauisissimus acri
 Iudicio magnis in rebus, cuique regendum
 Imperii tantum pondus: molemq̃ reliquit.
 Vos verò Thuscis Musis: Musisque Latinis
 Addicti: sacri ò Vates, quos ille fouebat

Magnis

Magnis muneribus ; miroque colebat honore
 Multiplici excultus doctrina ; & lumine clarus
 Ingenii, interitum vestris lugete camænis
 HERCVLIS, atque illum vestris intexite charis ;
 Vivat ope ut vestra ; nullo periturus in auro
 Ipse tamen per se ; si virtus vindicat, atque
 Eximit à leihō magnos Heroas. & astris
 Inserit ; Illorum celebrans nomēque : decusque ;
 Et reddens iisdem famæ immortalis honorem.
 Talia dum ROMA: & MANTO: & fortassis eodem
 Tempore, deflebant ; tum Nymphæ Tibrides ; atque
 Alcintiades, mæstis implebant questibus auras.
 Illud cum faceret Tiberisque, & Alcintius: omneis
 Quos imitabantur Genii, sub Numine quorum
 Est Latium; atque colit quos felix MANTVA campos.
 Quin etiam cycni cantu mulcere canoro
 Eridani ripas consueti ; flebile carmen
 Fundunt ; quos reliquæ volucres imitantur ; & omnes
 Cuttur e luctifono dantes, lugubria ; vulgò
 Omneis contristant vallesque: lacusque propinquos.
 Tumque resultabat lacrimosæ vocis imago,
 Atque hominum elati pulsabant sidera fletus.
 Cum gemerent omnes ; nec posses cernere quemquam;
 Qui multum mæstus lacrimis non ora rigaret;
 Atque astra : atque Deum incusans crudelia fata ;
 Fata pilis ludunt quæ nobis improba ; nosque
 Perpetuis curis ; & diris casibus actos :
 Aut primo : aut medio : aut extremo tempore vi tæ

*Quæ rapiunt; vlllo mitescere nescia pacto;
 Ut rerum inuertant seriem: rumpantq; cathenam,
 Quæ chalibe infracto; duroue adamante rigescit;
 Quam circi faciunt nexi per mutua; tangit
 Quæque imos manes producta è vertice cæli;
 Proscindens medias terras, atque aquora ponti;
 Cuncta humana trahens secum: diuinâq; cuncta:
 Et connexa tenens eadem Plutonia regna:
 Omnipotens Hera præteriti: & præsentis; & omnis
 Quicquid erit; nulloque modo: aut mutabilis æuo;
 Præfixus cunctis; atque altè terminus hærens.*

Ad ILLVSTRISSIMVM FEDERIGVM GONZAGAM
 amplissimum Cardinalem tumulus eiusdem
 HERCVLIS patui.

*Hoc marmor tenet, HERCVLIS; propago
 Quem Gonzaga tulit, relictâ membra
 A diuina anima: quibus soluta
 Ad puri reuolauit astra olympi.
 Verùm hæc terrea membra derelinquens,
 Nomen tale reliquit, atque famam
 De se; maxima dignitas quod illa:
 Illa ab omnibus expetita tantum;
 Quæ cæli hostia, claudit: atque pandit,
 Illius meritis minôrque: & impar
 Habebatur; eratque; si æstimemus
 Illius merita æquiore mente.
 Per te conice qualis: atque quantus*

*Ille vir fuerit ò VIATOR. hancque
lacturam lacrimare inusitatam,
Quam Res publica CHRISTIANA fecio
Cœlesti hoc homine inierempto, in quo
Rerum hoc tempore: tamque turbulento.*

AD LEONARDVM BONAROTVM IN
FVNERB MICHAELIS ANGELI BONA
roti XL Epithaphia; & inscriptio
soluta oratione.

PRIMVM.

E *Spē suum dium BONAROTVM Tibris: & Arnus
Certabant cupidi laudis vterque sua.
Hunc alui longū dicebat TIBRIS; at ARNVS,
Illud quid tandem est, hunc ego si genui?
An sit diuinus Bonarotus Tibris, an Arni,
Lis sub Natura indice pondet adhuc.
Id constat; quòd eum morientem Tibris: & Arnus
Fleuerunt tacti corda dolore pari;
Quod decuit, quando Bonarotus, Tibris: & Arni,
Peniculo: & cœlo nomen in astra tulit.*

II.

*Marmora MEDICII rudia, ac perfecta Sacelli
Ingemuisse ferunt, cum Bonarotus obit.
Illaq̃ dixerunt; quæ nos sic cœpta per annos
Venturos poterit docta polire manus?*

I ii

*Hæc autem, quondam nos mortua marmora: viua
Nunc hæc debemus membra: animamque tibi.
Est pote tantum hominum ingeniumq; manusq; per illa
Accipiant viua ut mortua saxa animam?*

III.

*Cum Bonarot e peris, flauos sculptura Poësi
Cum muta crines demetit orba tibi.
Et dicit, moritur Sculptoribus: atque Poetis
His qui etiam priscis abstulit omne decus.*

IIII.

*Tam pulchè pingens, sculpens, partesq; domorum
Formans in vita dum Bonarote manes:
Horum qui pingunt, sculpunt: formantq; domorum
Partes: tum vulgò gloria magna fuit.
Cum verò moriens corpus: terrasq; relinquis,
Horum tum pariter concidit omne decus.*

V.

*Ut super iniecti lauerunt æquoris vnde
Summa iuga, atque feras; quæ iuga summa tenent:
Femineum reparasse genus, reparasse virile
PIRRAM: & consortem DEVCALIONA ferunt.
Hactenus id tenui falsum, fictumq; fuisse:
Mentiri ut Vates talia sæpè solent.
Nunc verò id teneo verum: certumq; fuisse;
Illud marmoribus cum Bonarote facis.
Sed tum diluuium fuerat; nunc publica nondum
Flamma fuit, terras: & maria alta vorans.*

VI.

Cum ROMA allatum est Bonaroti exangue cadauer,

Tum gemitum ex alto pectore FLORA dedit.

Et dixit: rerum ò Fili charissime; talem

Hæc te post tanto tempore pompa refert?

Res tamen vna leuat talem: tantumque dolorem:

A te aucta eduxi quod super astra caput.

Nam tot pictorum: & sculptorum: ædesque profanas

Formantum: aut sacras, Græcia magna parens;

Per te victa, mihi primos concedit honores:

Et nunc pallescens inuidet illa mihi.

VII.

Has voces Natura dedit, Bonarotus ut auras

Liquit vitales ad supera alta volans:

Tanto pictore: & tanto sculptore perempto:

A quo res discam fingere: & exprimere?

VIII.

Hæc quisquis spectas, ne fors deludat imago

Te falsi: hæc libuit te monuisse mihi.

Quæ tabulis pinxit Bonarotus corpora; vel quæ

Marmoribus sculpsit, non ea viua tene.

Viua quidem apparent; sed sunt ea mortua; quippè

Ars humana animas fingere nulla potest.

IUPPITER his animas addat: tum facta negabis

Ulla à Natura corpora pulchra magis.

IX.

Raptum ignem si aliquis superum de sede PROMETHEVS

Inspiret tabulis; marmoribusque tuis;

I iii

78.

Non dicet tabulis ; non dicet marmora ; verum
 Vera hominum dicet corpora ; vera Deum.
 Ac tam vera quidem ; rerum Natura creatrix
 Hac commixta suis, credat ut esse sua.

X.

Orbis cum totus concordî nomine, vastus
 Quem falsis undis circuit OCEANVS;
 Commendat Statuas : tabulas : formâsque domorum:
 Atque orbem : solus quæ omnia mira facis ;
 Ac te Naturam matrem ; rerumque magistrâ
 Aequasse his rebus ; vel superasse canit :
 Hoc agrè Natura ferens tum dixit ; at illum,
 Qui sic laudatur: protuli ego artificem.
 Ingeniûmque: manusque dedi ; docuique sagaci
 Arte sequi, solers quæ omnia vera fero.
 Sic ne igitur referens Naturam, excellis, ut ipse
 Ipsi Naturæ moueris inuidiam ?

XI.

Fessa foret senio cum iam Natura, daretq;
 Cunctarum rerum corpora pulchra minus :
 Te Bonarote dedit de cælo Iuppiter : arte
 Sarcire ut posses talia damna tua.
 Hinc rerum simulacra facis tam vera : vetusta
 Ut Natura nouo prima det artifici.
 Sic cedit rerum nouitate extrusa vetustas.
 Sic res sunt omnes maxima cura IOVI.

XII.

Non vlla est tellus quæ se tot iactet alumnis :

Ac tantis : veluti LYDIA , cum LATIO.

Utraque enim innumeros potis est ostendere claros :

Quod summum est : acie mentis : & Ingenii.

Par igitur Bonarote fuit, cum mentis acumen

Tam præstans dederint Diique: Dea^q tibi:

Noueris ut Naturam imitari: aut vincere pingens :

Sculpens: aut formans omnia, quæ ipsa parit:

Te pulchræ nasci FLORAE intra mœnia: teque

Tam longum ROMAE viuere : & occidere.

XIII.

Qui dixit cunctas per terras : perque profundum

Cælum : per tractus æquoris ire DEVM:

Diuinâq; anima informare animalia cuncta :

Ætens illi solers : ingeniûmque fuit.

Hoc in te egregiè apparet Bonarote : figuras

Qui viuas : viuis persimilésue facis.

Quod non est hominis moribundi, aut simplicis, ipso

Quem vitio terræ noxia membra grauant.

O felicem hominem, de cælo Iuppiter alto

Cui tantum mentis cesserit habere suæ.

XIIII.

Si quo PIRGOTELES sculpsit , quo pinxit, APELLES

Tempore, quo struxit DINOCRATESQUE domos :

Ignorans: videas Bonaroti mente : manûque

Et sculpta: & picta: & templa nouata Deûm:

Dices: PIRGOTELES sculpsit: depinxit APELLES:

DINOCRATES struxit singula visa mihi.

*Aue potius dices non rerum nescius ; illos
Unus vicisti tres Bonarote viros.
O nostra ingeniis felicia sæcla : fouere
Hæc si aliquis pulchri captus amore velit.*

XV.

*Paruus erat mundus Bonarotus, dicimur omnes
Ut nos : quot passim dædala terra parit.
Attamen hic paruus mundus fabricauit in orbe
Magno orbem ; quo nil pulchrius esse potest.
Et quem, donec erit : magnum quem dicimus orbem ;
Laudibus in cælum sæcula cuncta ferent.
Sic diuina homines facimus : diuinitus vii
Quando parte data, pectora nostra volunt.*

XVI.

*Mercurium, et Martem : et Bacchum : Phæbumq̃ : Iouemq̃
Et reliquos : longum quos memorare foret ;
Quod iuuisse homines fama est, dum vita manebat :
Illos fecerunt sæcla vetusta DEOS ;
Tu qui iuisti Mortales mente : manúque :
Et delectasti plurima mira ferens :
Non dignus fueris, quem nos referamus in astra ?
Et cui cedamus nomen habere Dei ?*

XVII.

*Pinxerunt multi egregiè : aut sculpsère : domosue
Formarunt : veterum si monumenta legas :
Nemo autem egregiè pinxit : sculpsitq̃ : domosq̃
Construxit solus : quæ Bonarote facis.*

Si

*Si multos igitur laudant quæ singula, lucene
 Illa tria in te vno tam benè: & egregiè;
 Quis te non cælo diuinis laudibus æquet?
 Aut potius quis te non putet esse Deum?*

XVIII.

*Si benè quis pingit, vel sculpsit; vel struit ædes;
 Hic volitat celebris magna per ora virum;
 Orna igitur triplici Bonarotum laude Viator,
 Hæc tria qui solus præstitit egregiè.
 Seruantisq; huius stellantis limen olympi,
 Exopta TELLVS vt leuis ossa tegat.*

XIX.

*Non facit inferias Bonaroto muta Poësis,
 Nons ars formandi templa: domosque nouas.
 Non deflet vita cassum sculptura, sepultas
 Hæc simul has artes marmora dura tegunt.*

XX.

*Pictor eram in vita: & sculptor: structorque domorum;
 Peniculus: cælum: normaq; sculpta docent.
 Sed qualis pictor: sculptorque: Faberq; domorum;
 Tot monstrant tabula; signaq; totque domus;
 Quas pinxi: ac sculpsi: & struxi; dum vita manebat,
 Peniculo: cæloque: archetypisq; nouis.*

XXI.

*Hoc marmor gremio Bonaroti amplectitur ossa,
 Nanque omnes natos mors truculenta rapit.
 Sed quos hic viuos duxit de marmore vultus;
 Quas pinxit tabulas; quas posuitq; domos;*

K

*Laudem homini aeternam: & nomen peperere; quod auctū
Una voce hominum lictus verunque tenet.*

XXII.

*PYTAGORAS Samius dicebat, membra caduca
Linquentes animas membra subire noua.
Fecisti ut cuncti Mortales esse putarent
Id verum, in vita dum Bonarote manes.
Credebant etenim ingressas tua corpora mentes
Exincti Zeuss: Dinocratis: Phidia.
Id fuerit falsum, hoc verum; par laude quod vnus
Es triplici, Zeusi: Dinocrati: Phidia.*

XXIII.

*Tres animas Herilo tribuit Feronia mater,
VIRGILII ut vatis musa beata canit.
FLORA tibi totidem tribuit Dea maxima; quippè
Es tu habitus Zeuss: Dinocrates: Phidias.
Mors fuit illorum triplex; semel occidis ipse,
Mors dispar, sed par fama vocanda tua est.
Namque tribus nomen tribuit quod sera vetustas;
Hoc vni hæc ætas dat Bonarote tibi.*

XXIII.

*Quæ rerum Natura parens producit in auras;
Peniculo: & cælo nouit hic exprimere.
Ac tam diuinè; ut depicta: aut sculpta videntis
Naturæ: & victæ, tinxerit ora pudor.*

XXV.

*Hic sita Natura est Bonaroti indita fluentes
Artus: in terris dum Bonarotus erat.*

*Pende opera à vino Bonaroto facta Viator;
Illum Naturam deinde fuisse nega.*

XXVI.

*Te tali moriente viro Bonarote, relicta est
LYDIA, cum LATIO in perpetuis tenebris.
Fallor: cum LATIO splendescet LYDIA semper,
Cum LATIO orbe nouo LYDIA adaucta tuo.
Hoc fore sed dico, huic aliquis cum lampada Solis
Imperfecto orbi figet; & astra tuo.
Cui sic imperfecto orbi, perfectus hic orbis
Cum Sole: ac astris inuidet ipse suis.*

XXVII.

*Orbem alium statuens effingere IVPITER, atque
Signis: & tabulis hunc decorare suis;
Horum operum egregium artificem, egregiumq; magistrum
Diuum in concilium te Bonarote vocat.
In quorum medio cum formam ostendis & orbis;
Et signa: & tabulas fingere qua arte potes;
IVPITER: & reliqui Diui obstupere; fatentes
Orbi orbem antiquum cedere posse nouo.
FLORA igitur quæ te genuit, seruatque sepulchrum;
Te vino potuit tam ne corere diu?*

XXVIII.

*Quod Mortale fuit Bonaroti; quodque caducum;
Hæc: quæ tu spectas; marmora dura tegunt.
Verum anima æternum Bonaroti, & fama super sunt.
Una volat terris; altera at astra tenet.*

K ii

Corporis ignavi tantum contagia ; tantum
 Ingenium solers : & benefacta valent.
 Sed vos ò nimium felicia marmora ; terræ :
 Astra : incremento talis adaucta viri.

XXIX.

Nomen erat uiuo Bonarotus ; cetera de me
 Ne pudor ingenuus commemorare vetat.
 Si tamen is finit hoc dicam ; dicamq̃ pudenter ;
 Quod verum posthac secula cuncta canent.
 Perficiet quis cœpta mihi ? perfecta ; quis vnquam
 Aequabit cœlo : peniculo : Archetypis ?
 Parcite Mortales de se speciosa locuto ;
 Nos etiam extinctos gloria pulchra mouet.
 Sic vos fila legent cum vobis vltima P A R C A E,
 Hæ capiant sedes ; Elysiumque nemus.

XXX.

Extinctus dicam, quanuis ea vera ; vetaret
 Ne uiuo de me quæ memorare pudor.
 Et scripsi : & pinxi : & sculpsi : feciq̃ domorum
 Formas egregiè , dum mihi vita fuit.
 Quattuor hæc igitur per me reuocata sub auras
 Altis è tenebris ; artèque adaucta mea ;
 Ne celebrem tollunt ; & tollent omne per æuum
 Littore ab Eoo litus ad occiduum.

XXXI.

Peniculo duplici ; & cœlo : norma q̃ , Deorum
 Quæ struere aut templa : aut tecta profana docet ;

Qui valuit, tumulo Bonarotus languida membra
 Hoc posuit; cælum, venerat vnde; petens.
 Sed quantum valuit, duplici cum pingeret arte;
 Sculperet aut saxa: aut construeret varia;
 Scripta Stilo gemino: aut Sculpta: aut constructa; per orbem
 Præclaram facient; perpetuamq; fidem.

XXXII.

Artibus effulsit Bonarotus quattuor: ergò
 Unus, non vnus: quattuor vnus erat.

XXXIII.

Si geminus vates: sculptor: structorque fuisti
 Aedilis: quales secula nulla ferunt:
 Non vnum Bonarote virum te dico, quaterna
 Est tu dicendus quattuor arte viri.

XXXIII.

Ne vos extinctum Bonarotum dicite, quanuis
 Hæc ossa illius frigida saxa regant.
 Viuit enim in tabulis: in signis; inque domorum
 Formis; quæ finxit more: modoq; nouo;
 Nanque hæc, Gorgonei vt vultus: vique ora, stupore
 Atro spectantum mentem: oculosque replent.
 Sic: sic à morte ingenium nos vindicat; alto
 De cælo quæ pars ignea tota venit.

XXXV.

A te peniculo: & cælo mors impia vidit
 Subduci vt rerum millia multa sibi;
 Hisque dari æternam vitam; indignata licere
 Hoc homini in terris, te Bonarote necat;

K iii

*Quid dixi? erravi. nam inuita morte perennis
In tabulis viues; marmoribusque tuis.
Sic mortalis homo immortalis mente triumphans
De morte, extinctus vel superesse potest.*

XXXVI.

*Quæ fieri video rerum miracula? sumis
Hoc saxum, ut NIOBES, mollia membra viri?
Est ita; magni etenim Bonaroti exangue cadauer
Induit hanc formam Rege iubente Deum.
Nam DEVS artificem tali decorare sepulcro
Dilectum voluit; parque referre pari.
A quo sæpè fuit factus de marmore viuus
Ac ipse; ac reliqui, qui supera alta tenent.
Gratia sic tangit Cælestes. Sicque secundo
Humanis crescunt marmora corporibus.*

XXXVII.

*Ut fluidum liquit corpus Bonarotus, & orbes
Ad superos venit; ducimus vnde genus.
Agnosco, dixit: mecum quas mente retentas
Effinxi tabulas; signaque: & Archetypos.
Hæc sunt quæ pinxi: & sculpsi; dum uita manebat,
Corpora siue hominum: corpora siue Deum.
Qui nitet hic etiam pulcherrimus orbis olympi;
Est quem miratur maxima ROMA meum;
Nil igitur mirum est, pictor: sculptorque: faberq;
Tectorum mirus si Bonarotus erat.
Ac tantum mirus, vera ut cælestia cedant
Terrenis fictis arte ter hæc gemina.*

XXXVIII.

*Hunc mihi non nasum finxit Natura, fatebor
 Ingenue; pugno est simus, & inuidia.
 Si fuit opprobrium cædi nil tale merentem;
 Opprobrium hoc æqua mente: animoque tuli.
 Invidiam verò sum ultus virtute; potenti
 Ut cuius volito magna per ora virum.
 Et nunc extinctus cæli in regione serena,
 Diuum concilio: colloquioque fruor.*

XXXIX.

*Hanc molem, exornant hæc quam funalia, totque
 Pictura: & statua, ac cætera, quæ ipse uides;
 FLORA boni posuit Bonaroti manibus; omnis
 cui largè lacrimans splendida iusta facit.
 Talis honor nullis contingit ciuibus; vnus
 Vix tantum magnis Regibus ille datur.
 Ast decus est multo maius Bonarote, parasti
 Quod cælo; & norma; peniculoque tibi.
 Hæc ingens pompa, est vnus pompa diei;
 Vincere id immensum sæcula sera potest.
 Donec enim rerum hic stabit pulcherrimus ordo,
 Tu celebris viues laude ter egregia.
 Sic nos extinctos, inuita morte; beatum
 Ingenium; & multus dat superesse labor.*

XL

*Quam pede nitentem dextro pila lignea fulca
 Piramide à quadra recta sub alia leuat;*

Unde oritur Titan: & quò se condit in vndas,
 Fama ego iam pridem te Bonarote cano;
 Atque canam æternum; quanuis mea buccina: & ora
 Non possint laudes æquiperare tuas.
 Sic Florentini vestrum protendite nomen;
 Sic mortem: ac tempus vincite, & inuidiam.

D. O. M.

H VNC tam splendidum feralem apparatus, Statua
 riorum; Pictorum: & Architectorum Florentinorum grata
 societas, MICHAELI ANGELO Bonaroto; Statua
 riorum; Pictorum: & Architectorum quot sunt, quot fue
 runt; & quot fortassis erunt facile Principi: honoris, &
 virtutis causa, Dedicavit. Hæc autem omnia curata auspi
 ce, atque autore Maximo COSMO Medicio miro in
 geniorum fauore, & quasi Deo.

In noctem marmoream eiusdem
 MICHAELIS ANG. Bon.

Æternæ est nocte, ac somno; de marmore ducta
 Hæc nox quæ dormit, vindicat artificem.

In eiusdem Victoriam itidem
 marmoream.

Hæc hostem perfecta rudem Victoria calcans,
 Signorum veterum comprimit omne decus.

Ad

AD OTHONEM TRVCHSIVM

Germanum Optimum Cardinalem in
iustis Diui FERDINANDI

CAES. AVG.

*Regibus antiquis, & nostri temporis; hic Rex
Par belli studiis: par pietate fuit.
Par quoque Caesaribus Caesar fuit omnibus; vno
Excepto tantum Casare Fratre minor;
Caesaribus longè qui præstitit omnibus; atque
Cognita cui tellus non satis vna fuit.
Dii terram ostendere aliam; ut præstantibus ausis
Illius: & factis præmia digna darent.
Huic verò debet PANNONIA magna salutem,
Ne pace: ac bello cætera gesta canam.
Tanti igitur Regis: & tanti Caesaris huius
Splendorem; toto qui aureus orbe nitet;
Hæc, quæ persolvit mærens hoc funere Princeps
Florentinorum; splendida iusta decent.*

Ad Maximum MAXIMILIANVM
declaratum Cæs. Aug.

*Auctum est imperium ut Romanum Casare digno
Casare seu patrui: Casare siue patre;
Nunc mihi, nunc dixit, possum sperare vetustum
Restitui nomen, restituique decus.
Dictus enim est Caesar bello clarissimus Heros;
Atque idem sanctæ Religionis amans.*

L

*Quæ duo me quondam fama vexere sub astra
Terrarum dominum, & totius Oceani.*

Ad Illustrissimum MARCVM ANTONIVM Columnam
in morte VIDONIS ASCANII Sfortiæ am-
plissimi cardinalis; & maioris
Quæstoris.

*Has flauus Tiberis rupit de pectore voces,
ASCANIO iniecit cum mala Parca manus.
Occidit heu sacri qui regni tempore; quique
Sacri interregni gloria magna fuit.
Hoc etenim: aut illo, hic dignatus nomine magni
Quæstoris; fulgens purpureoque habitu;
Omnia curabat rectè, quæ bellicus usus;
Quæ placida pacis tempora læta petunt.
Præsidii quantum: decorisq; Insubria quantum
Perdidit infelix; vltimæque Hesperia?
Tu Parma es testis, tu testis Felsina, quantus
Iustitiæ fuit, & Religionis honos.
Vos sacri Vates, quàm Musis deditus; illas
Nominis æterni captus amore colens.
Res hac vna meum lenitq; leuatq; dolorem,
Quem capio tanti ex Semidei interitu;
Is quod viuit adhuc, & viuet clarus in orbe
Nominibus dictis, nominibúsq; aliis.
Secula quæ norunt sexcentum nostra, canuntq;
Quæ noscent; & quæ secula sera canent.
Qui Vaticani sublimia tecta frequentant;
Auribus hanferunt talia dicta Dei.*

*Qua responsabant colles, circumdedit vno
Quos septem muro Maxima ROMA sibi.*

Ad ANGELVM Nicolinum Senensium Præsidentem, & Pisanorum Præsulem.

*Est in te virtus, in te prudentia summa;
Qua rectè: ac iuste, te: populosque regis.
Nil igitur mirum est, tantum virtutis amanti
COSMO: & prudenti si ANGELE die places;
Si te hic diuitiis; si te auget honoribus; ac te
Si FLORA: & SENAE; totus & Orbis amat;
Si te Pontifices mirantur; debita iamque
Si caput exornat purpura pulchra tuum.
Si vox vna hominum te dignum dicit honore;
Qui superas claudit; qui referatq; fores.
Vos Florentini, & Senenses discite; tuque
Orbis: quem surgens sol videt, atque cadens;
Tanta virtuti quanta est sapientia iuncta,
Qua nobis tanta: & talia ferre potest.*

**Ad optimum, & doctissimum BALEARIVM
Episcopum.**

*Ad studia incensum luuenem, præclara futura
Doctrina in vulgus qui documenta dedit;
Quod spontè inflammas non paruo munere; cuncti
Te ciues triplici laude sub astra ferunt.*

L ii

Virtuti satis, & patria fecisse; Patrique:
 Qui tibi respondet largè in amore canunt.
 Egregium factum, nostri non temporis; auri
 Quod specie captum gloria nulla mouet.
 Illud te decuit, pulchræ virtutis alumnus
 Omnia qui solida laudis amore facis.
 O diuinum hominem. nam rerum diuite cornu
 Rectè uti; atque homines scire iuuare; tuum est.

Ad Illustrissimum CHIAPINVM Vitellium Cætonæ
 dominum cum declaratus est Eques Religio-
 nis Diui STEPHANI.

Strictus ut est ensis datus; & calcaria; mane
 Cum de more Deum templa minister adit;
 Purpureo: & niueo ut vestitu ornatus ad aras
 Astitit hic; & DIIS fudit, & ille preces;
 Esto dixit Eques VITELLI COSMVS; & vnâ
 Huic de more humerum percutit ense leui.
 Tum pulchræ ingenti percussus laudis amore
 Factum Equitem lacrimas vix tenuisse ferunt.
 Verum suspiciens cælum; mox ora Magistri
 Magni Equitum; tenui talia voce dedit.
 Sponde cuncta tibi de me, pietatis amantem
 Quæ præstare virum: militiaeque decet;
 Hac te spes vllò non fallat tempore; namque
 Pro DIIS: & pro te dulce perire foret.
 Præclaramò vocem, & dignam ductore; vetustos
 Qui claros Atavos mente: manūque refert.

Hoc verò cœtūque Equitum: magnōque Magistro,
 Quis classes timeat, Barbaricāsque manus?
 Perge igitur quod COSME facis: cœliq₃ sub axem
 Hoc etiam pacto tu tibi sterne viam.
 Et pace in media, tua quam prudentia nobis
 Optatam peperit; bella futura caue.
 Magnaq₃ tu nullum faciendi tempus omitte,
 Quæ laudem ingentem: perpetuamq₃ ferunt.
 His patet in cœlum reditus, qui publica curant
 Commoda; quod magnum, maxime COSME tuum est.

Ad Meos libros Arninum diluuium passos
 In ædibus PACCIIS.

Sic vos diluuium furens, & ARNVS
 Assurgens super alueum marinis
 Undis: & fremitu propinqua cuncta
 Dum latè ruit, attrahitq₃ secum
 Et delubra Deūm: & domos profanas,
 Sic vos sic habuit malè, ò mearum
 Rerum reliquiæ mei libelli?
 Iam vos amplius haud mei libelli,
 Sed tantum folia, oblitaq₃ limo
 Chartæ: ac continuæ: & malæ lituræ.
 Non sunt hæ facies, nec hi colores
 Vestri candiduli: elegantuliq₃,
 Qui vobis prius esse consuerunt.
 Vos volumina tam polita quondam,

L iii

Nunc volumina sordidata tantum;
 Iam vos iam nequeo videre: nunquam
 Vos versabo manu, legámue posthac.
 Iam iam vos igitur valete; in ignem
 Iam vos proiicio: videte iam vos,
 Qui tantum benè nuper enatastis,
 Quo pacto valeatis hanc secundam
 Pestem euadere; & hoc nouum periculum.
 Iam volumina spurca iam valete.
 Iam vos proiicio rapacem in ignem.
 Verùm parcite vos mihi; dolenter,
 Et flens id facio: elegantiores,
 Omni munditièque puriores
 (Nostis) sum solitus libros habere;
 Iam vos accipiunt; vorantque flammæ:
 Tempestas quibus æstuosa quondam
 Tirrheni maris, atque Piscienſis
 Tumultus rabies atrox pepercit.
 At tu pessime fluminum Arne tanta
 Qui nunc tot populis mala intulisti,
 Totus fons tuus areat, fluantq;
 In te flumina nulla; riuique
 Nulli. & perpetuo virentum honore
 Herbarum omnium; & arborum carentem,
 Omnes Dique Dæq; te relinquant;
 Atque omnes homines, tuis in vndis
 Sueti viuere; vel tuos recessus;
 Et ripas habitare flexuosas:

Ad COSMVM Medicum Florentinorum :
& Senensium fœlicissimum
Ducem.

*In pelago, & fluviiis dum tu piscare; moraq;
Stas patiens longæ saxeæ ut effigies;
Nec dextram: cannâmve moues; nec lumina flectis;
Ni cum opportunum tempus adesse vides;
Tu pisces captas. nam præda semper onustus
Piscatu: venatu: aucupioque redis.
Verum cum pisces captas, quos decipit hamus;
Quem filo innexum lucida pluma tegit;
Aut quos esca avidos varia sub imagine ludit;
Aut quos in siccum rætia densa trahunt;
Tum recreans corpus, versas in pectore, quonam
Regnum conserues, amplifiesq; modo.
Hinc tibi iustitia tanta, commissæ gubernas;
Adiucis hinc fines finibus Imperii.
Hinc omnem Invidiam superas virtute: Tetrarcæ
Hinc te admirantur. Pontificesq; colunt.
Res verò magnas cum tractas, vincis in illo
Tum te ipsum; ac Reges sol quot in orbe vides.
Qui Reges de te discunt, quibus artibus omni
Aut belli: aut pacis tempore regna regant.
Sunt Aeterna quibus, nec non Mortalia curæ,
Sic aliquid Diuûm Numina semper agunt.
Qualis es: & quantus, quem tanta negocia, quemque
Tâm celebrem reddunt ocia honesta Ducem?*

Ad IOANNEM Contium de Leucide.

Sol qui Lucifero curru perlaberis orbem,
 Et quot pontus habet, terræque: & astra vides,
 Tuque errans totum per cælum argentea Luna
 Cum splendes Fratris menstrua luce noua;
 In ponto: in terra: aut cæli in regione videtis
 Vos ne aliquid pulchrum, vt Leucis amata mea est?
 Quando igitur nihil est formosum, vt candida LEVCIS:
 In ponto: in terra: aut in regione poli,
 Cur non firmatis cursus? & lumina vestra
 Figentes solam Leucida conspiciis?
 Firma mihi ò Phæbe: & Phæbe si uestra darentur
 Lumina, tunc solam Leucida conspicerem.
 Sic oculis semper contemplans Leucida, semper
 Implerem mentem Nectare: & Ambrosia.
 Nam nihil est aliud potusq;: cibusq; Deorum:
 Quàm pulchro intenta mente: oculisque frui.
 Ad clarissimum FRANCISCVM Bellencinum.
 Cum sol scandit equis fumantibus ardua, nec dum
 Stelliferi medium contigit axis iter,
 In sublime uocat, suadetque ascendere cuncta,
 Quæ nutrit Tellus: Oceanusq; parit.
 Sed cum declinat liquidas mersurus in undas
 Ardentes radios: auricomumque caput:
 Hac eadem in Solem uergunt decliua: uique
 Occulta è celsò sole cadente ruunt.
 Hinc Natura hominum Natura exempla secuta,
 Mane petit montes, vespere quærit aquas.

Ad

97

AD ILLUSTRISSIMUM IULIUM
MEDICVM CLASSIS RELIGIONIS
Diui Stephani Praefectum, de Valle Umbrosa Elegi.

Secessus patet ad Boream, septemq; Triones;
Nam mons curuatus caetera clausa tenet,
Est arcus qualis, capita ut coisse videntur,
Cum nervo adducto missa sagitta volat;
Aut Fratri radiis obnoxia Luna pererrat
Cum propè coniunctis cornibus ima Poli;
Hæc nisi trita nimis, nec sat referentia rectè;
His quæ collatis vera relata volo.
Ille quidem haud facilis consensu; milleque FLORA
Qui passus octo distat ab vrbe decem.
Arnum inter, seuamque situs, duo flumina nota;
Quæ Senæ ad pontem mixta fluenta vides.
Hanc Vallem Umbrosam veteres dixere, reflexo
Quod dixi; huic horrens imminet umbra loco.
Inuia Titani quam semper fagina; cumque
Iligna querna; & sylua abiegna facit,
In qua pascuntur numerosa armenta, gregesq;
Cum iam vere nouo bruma remisit iners.
His quæ etiam apricis errant in montibus; alba
Cum spargit boreas hæc iuga summa niue.
Castanea hic etiam se letam subiicit arbor,
Et cerasi; & mali; & vitis IACCHE tua:
Atque piri; & bifera ficus; eduraq; prunus:
Planiæque, quam nobis Persica terra dedit.

M

Atque salix hominum pedibus tum commoda, findunt
 Illam si cunei: falxq³, faberq³ dolant.
 Et fragiles coryli, rasis hastilibus hirci
 Hostis quæ Bacchi viscera nuda ferunt.
 Insiliens vires cum rustica turba per vinctos
 In triuiis: soluit mystica sacra Deo.
 Hic crebri fontes, quorum te murmure suavi
 Ad potum: ad somnum vitrea lympha vocat.
 Diis posita in medio iacet immortalibus ædes:
 Atque domus: quæ habitat Diis quoque sacra cohors.
 A quibus auertit morbos: bellumque: famemq³:
 Et quæ Mortales talia multa ferunt.
 Cuius tu quondam Princeps: Autorque fuisti
 IANE ALBERTE, poli qui aurea tecta colis;
 Diuo cui facta commissæ est Lydia: rerum
 Cui tu difficili tempore dexter ades.
 Hic me viinam socium sanctus comitatus haberet,
 Iampridem indignè quem mala tanta premunt:
 Coniugis ante diem qui vidi funus amata:
 Et quem natorum maxima cura coquit.
 Tantâq³ cui bellum, quod sensit Thuscia nuper:
 Abstulit: atque Arni proxima colluuiæ.
 HERCVLIS Etenus quem mors affluxit: ademptum
 Quem gemitu æterno prosequar: & lacrimis.
 Hic gaudenti animo degissem inglorius æuam
 Inque meis libris: inque meis studiis.
 Et magnus contemptor opum, contemptor honorum:
 Quæ duo quò lubeat pectora nostra trahunt:

Solùm affectassem cœlestia, cœtera ridens
 Omnia : quæ tantum ignobile vulgus amat.
 Et mihi Diis veris mentem præstantibus: omni
 Digna ego scripsissem à posteritate coli.
 Sacra Diis ædi : & domui : quæ diximus : & quæ
 Si videas ornes laudibus innumeris.
 Præcipuè turrim : quæ forma structa quadrata,
 Aërias nubes vertice firma ferit.
 Et quam laudauit summè : summèq; probauit
 Structuram admirans: artificumque manus :
 Magnus ALEXANDER: quando huc diuertit : & idem
 Inde CASENTINI saxeæ summa petit.
 Magnus ALEXANDER : cecidit qui fraude propinqui
 Sanguine: qui tantas res habuitq; prior.
 Nunc etiam extinctum quem deflet Etruria vulgò,
 Clarorum columen : præsidiumq; virum.
 Optime quem IULI patrem: & præstantibus ausis :
 Atque refers acie mentis : & ingenii.
 Omnibus his inquam, muris : & sæpibus horti
 Conclusi: & iuncti: & mollia prata virent.
 In quibus & Satyri visi : Fauniq; bicornes
 Commixti Dryadum: Naiadumque choro:
 Cumque aliis, habitant hæc quæ ardua saxa, Deabus:
 Et cum virginibus casta Diana suis,
 Ducere vel choreas, uel sidera uoce ferire :
 PAN DEVS Arcadiæ te faciente modos.
 His quam non rarò permutas montibus . hucque
 Caprigenum ducis, lanigerumque pecus.

M ii

His super incumbit rupes prærupta; cacumen
Ostentat cuius culta vireta tibi.
Atque casam: affixum saxi quam dicere nidum
Tu potes; est Ithace qualis Homere tua.
Hanc colit aspectu horrendus, faciëque Sacerdos:
Qui fruitur cœtu; colloquioque Deum.
Et vitam degit Diuis cœlestibus æquam;
In terris tantum Religionis amans:
Ambitione procul, tetræque libidine pulsa;
Semotus felix turpibus à vitiis.
Hanc ego, non Regum magnorum sceptrâ, nec aurum,
Sanguine nec fuso parta trophæa Ducum;
Nec quæ Pontifices gestant diademata, gemmis:
Quæque auro, veluti sidera pulchra micant;
Hanc ego iucundam, hanc omni de parte beatam
Invideo vitam Diis vir amice tibi.
Perpetuò hic aer liquidus, semperque salubris;
In celsis qualis montibus esse solet.
Atque hic culta seges tardis flavescit aristis;
Et quæ, pauca licet; grandia farrâ parit.
Hic varia volucres variis concentibus implent
Ærâ: & hic Echo garrula cuncta refert.
Et reuoluta cauos per montes vocis imago;
Aures maiori verberat icta sono.
Denique non aliud, quanta est Hebruria tota;
Æstiuum est vsquam pulchrius hospitium.
Nunc sol cum findit sitientia feruidus arua;
Æstas cum scopulos puluerulenta coquit;

cclxi

Hac animi: & pariter recreandi corporis ergò
 MEDICIVS COSMVS frigida rura colit.
 Qualia sunt Tempe, quæ tellus Thessala iactat
 Flumine, & arboribus: gramineoque solo.
 Nominibusque aliis non ulli incognita Tempe
 Voluenti libros, scriptaque docta virum.
 Et nunc ad puras scatebras spatiatur aquarum;
 Nunc captat pisces; aucupioque vacat.
 Nunc eques ingenti dominum comitante caterua,
 Sæuas exagitat per nemora alta feras.
 Aut illa innata posita gravitate serenans
 Ad tempus frontem, & triste supercilium;
 Has longas luces molliorque, leuâtque; recenset
 Dum doctè veterum maxima facta virum.
 Atque noua antiquis confert; externa Latinis;
 Turpia abhorrenda, & pulchra imitanda docens.
 Aut causas quærit rerum, exponitque latentes;
 Nix vnde: & pluuia, & fulgura missa ruant.
 Unde tremor terris; quid ventos excitat; vnde
 Tam sera hibernis noctibus hora cadit.
 Unde fit argentum; ac aurum: marmorque: virentum
 Et vim plantarum; & nomina vera refert.
 Et quibus informes præceptis teque, tuosque;
 Atque quibus populis legibus imperites;
 Si regnans longè: & latè, terraque; mariq;
 Vis regni fines amplificare tui.
 Et regere optata populos in pace, diuq;
 Subiectos iusta quos ditione tenes:

M iii

Quo dicente stupent Proceres, qui talia sensa
 Omnes intento pectore, & aure bibunt.
 Quoque animus Nati varios formatur ad usus;
 Diuini iam nunc gloria magna chori;
 Tanto è diluuium quem seruauere Deorum
 Numina; quod Fratres obruit horribile,
 Et Matrem; ut teneat decreto tempore Fatis;
 Quæ tenuit Decimus maxima sceptrum LEO.
 Quo regnante fuit ætas Saturnia; vulgò
 Cum res felices orbis, & urbis erant.
 Vos igitur Nymphæ, & Genii montana tenentes
 Hæc loca, nunc quæ adii non mihi visa prius;
 Non mihi visa prius, verum notissima fama;
 Quæ nunquam in tenebris pulchra latere sinit;
 Vos seruate Ducem, incedat quocunque: quod ultro
 Huius facturos pro pietate reor.
 Atque animo: & membris recreatum reddite; magni
 Cum magnus veniet Natus ad ora patris;
 Cum studia, & mores gentis narrabit Iberæ;
 Et referet lapso hoc tempore gesta sibi.
 Et res confectas dicet cum Rege PHILLIPPO,
 Quo sol nil melius: candidiusque videt.
 Exemplo cuius melior, per se optimus ante;
 Ingenti explebit lætitia populos.
 Hunc expectarunt qui longum; ac templa Deorum
 Pro quo magnorum non adiungere semel.
 Votæque fecerunt, Herois maxima tanti
 In reditu templis persoluenda Deum.

Congressu primo, nam tristia me arrent;
 Hoc quæ euenerunt tempore multa nimis;
 Amplexu primo, stringet qui affectus; vterque
 Cumque premet vocem; cum lacrimasque dabit.
 Ad quod me tempus conseruo hic viuere iussus
 A DVCE, te donec FLORA beata petat.
 Quod faciam, expectans iam pridem pectore toto
 Quæ fieri exopto; quæque propinqua velim.
 Et forti, aut latam sortem: tristemue paratus;
 Quod feci longo tempore, mente pati.
 Quam sortem, ut mentem, mihi si confingere possem;
 Res meliore mea conditione forent.
 Mens tamen interea nullius conscia culpæ
 Ne consolatur: vitæque ducta probè.
 Quod satis est homini cupienti viuere latè;
 Si desint etiam cætera cuncta tibi.
 Pulchra etenim virtus se se contenta; valensque
 Vi propria, atque opibus; nil aliunde petit.
 Qua si quàm vellem non sum tam instructus; amore
 Hanc tamen ingenti, perpetuòque sequor.
 Et sequar, ut feci à teneris: dum spiritus artus
 Hos reget: & Diuûm munere luce fruar.
 Iam verò VALLIS Umbrosa remitte valentem
 Cum Nata: & Natis: Proceribusque DVCEM.
 Quem sibi FLORA petit reddi, quem Pogia rura;
 Alpes iam turdus linquit aprica petens.
 Sic tu frondescas nemorum pulcherrima uere;
 Sic urant frondes frigora tarda tuas.


AVTOR, RESSOR, ET
Librarius Editori. S. P. DD.

O Ptime lector, cum hoc in libello, qui quidem maiusculus est: quàm sit initio existimatum, nulla sint vitiata sensa, neque vlla desint: vel supersint verba; quasdam literas, quosdam accentus, & quædam puncta aut perperam: aut non satis diligenter posita, & omissa, supersedimus consultò inani: aut certè non multum (quantum sumus arbitrati) necessario labore commostrandi; cum sint ea (vt credimus) nullius ferè momenti; nec eius generis: quæ vobis magnā interlegendū sint allatura molestiam. Si verò toto in opere aliquid est, quod falsa specie, nedum re vera, nostrā vel tantillum offendat Religionem: Id omne indictum esto. pluris enim multò facimus, quod omnium maximè est faciendum: nostram pietatem; quàm omnem Latinitatis rationem, aut omnes antiquæ Poësis leges. Nolumus vos harum rerum esse nescios. Valete, ac æquis animis fauete huic nostræ quasi tumultuariæ editioni, plura propediem expectantes: si vos hæc non improbabit.



ME MEA, TE TVA.

150-82



005643603

16